



सानसेयारि "बड'सा" खरीलाइयाव
खमाजयारि जिउजो लोब्बा थानाय रायथाय, खन्थाय,
खल', खल'बाथा आरो दावबायारि थावनि, पार्क
बाइदिनि सायाव लिन्नाय लिन्दिना दैथाय हर्/
सानसेयारि "बड'सा" खरीलाइया सेबखानावै
फोखावगोन/
बड'सायाव लिन्नायनि हुदा खालाम,
"बड'सा" खरी नोथां, जो बयबो आंगो खालाम/
सानसेयारि बड'सा मावकुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Monday ★ 11 August, 2025 Kokrajhar, BTC, Assam ★ Vol.-35, Issue No.138 ★ R.N.I.Regd. No.40994/91, Assam Govt.Regd.No. IPRD. 40/2006/3, Rs.8/-

बिटिआरआव सरकार दाफुनाय बिथिडाव बिजेपिआ बयनिखुइबो गोहो गोरसिन बिफाव लागोन: गिबि मन्थि आनान्दपुराव खुंफुनाय दिहिरा बियाबनि देरहासार थांखि मेलआव आसामनि गिबि मन्थि ड० शर्मा

बाक्सा, 10 आगस्ट:
रबिबारआव फिन गिबि मन्थि
ड० हिमन्त बिश्व शर्मा आ
बाक्सायाव नुजाथि हैयो।
बाक्सा जिल्लानि आनान्दपुर सि
ब्लकआव दिहिरा बियाबनि
देरहासार थांखि मेलआव
राइज्योनि गिबि मन्थि आ
बाहागो लायो। दिनैनि बे
मेलआव गिबि मन्थिजो लोकोसे
राइज्योयारि बिजेपिनि



आफादगिरि दिलिप सइकिया,
गागि केबिनेट मन्थि रन्जित
कु मार दासआबो बाहागो
लाफायो। मेलआव गिबि मन्थि
ड० शर्मा आ गोबां गोनांथार
खोथाफोरखौनो फोरमायदों।
गिबि मन्थि आ फोरमायनाय
बायदिब्ला बिटिआरआव सरकार
दाफुनाय बिथिडाव बिजेपि
दोलोआ बयनिखुइबो गोहो
(□ 6 बिलाइआव)

बर'फोरा जुजिनायनि गेजेरजोंसो थांनानै दड : प्रमद बर'

1974 माइथाइयनि सोमावसारनायाव
मुख्लं जानाय सुबुनि मुसुखा बेखेवदों



सालबारि, 10 आगस्ट: बाक्सा
जिल्लानि सालबारि महकुमानि

बेखनआव थानाय कुसाबारियाव
1974 माइथायनि रावआरि
सोमावसारनायनि सानै मुख्लं

आमला बर' आरो सिब बर'नि
गोदानै लुफुनाय मुसुखाखौ दिनै
बिटिसिनि गाहाइ मावफुं सोद्रोमा
प्रमद बर'आ बेखेवनानै होयो।
नागारनो रोडे अखा हानायनि
गेजेरावबो ओन्सोलनि गुनि
गियानि सुबु'फोर, समाज
सिबियारि, दोलोनि
मावफारियाफोरनि नुजाथिनायाव
मोनसे गोथार थासारिनि गेजेराव
गोजा फिथाखौ हानानै मुसुखा
मोननैखौ गाहाइ मावफुं
(□ 6 बिलाइआव)

सालबारि फरायसालिमायाव रुंसारि साहित्य अकाडेमि बान्था मोन्नाय कातिन्द्र स्वरगियारिखौ गोसोखांदों कातिन्द्र स्वरगियारि गोसोखांथि गथ 'सा पार्कनि अन्थाइ खाप्फा गायसनबाय प्रमद बर'आ



भबानिपुर, 10 आगस्ट:
सालबारि फरायसालिमायाव
फ राय सॉलि मा नि
आइकिउएसिनि बान्जायनायाव
दिनै सानसेनि हाबाफारिजों
सालबारिनि रुंसारि साहित्य
अकाडेमि बान्था मोन्नाय
थुनलाइगिरि आरो खौरंगिरि
(□ 6 बिलाइआव)

बर' माहारिनि जेनाफोरखौ सुत्रांनयनि थांखिजों इउपिपिएल राजखांथि हान्जाया मोन 16 आफादफोरजों सावरायजलायदों

बड'फा हाउस, कक्राझार 10
आगस्ट: बर' माहारिनि
जेनाफोरखौ आबुडै सुत्रांनय
थांखिजों बर' हारिनि खौसेथि
आरो गेरमसा बर' माहारि दानाय
आइदाफोरखौ लानानै दुलाराय
बर' फरायसा आफाद, बर'
थुनलाइ आफाद, बारग' बि.
(□ 6 बिलाइआव)



हाग्रामाया जाबाय मोनै सालाइ गोनां मासे जिबौ: रन्जित बसुमतारि बिटिसि बिसायख'थिनि हाब्रु सारलायनाय राजखान्थिया जागायबाय



कक्राझार, 10 आगस्ट: हाग्रामाया जाबाय मोनै
सालाइ गोनां मासे जिबौ बायदि। मोनसे
सालाइजों गोजोननि बाश्ना बुंगोन आरो गुबुन
मोनसे सालाइजों बोखावनायनि बाश्ना बुंगोन।
बे बिबुंथिखौ लाखिदों बिटिसिनि हाग्रा आरो हा
खाजोना बिफाननि मावफुं सोद्रोमा रन्जित
बसुमतारिआ। बिटिसि बिसायख'थिनि सानआ
जेसेबांनो खाथिनिफ्राय (□ 6 बिलाइआव)

फैगौ बिटिसि बिसायख'थिखौ नोजोर होनानै सावथाल फरायसा आफादनि खौरंगिरि मेल गोनांथि होयाब्ला बिपिएफ-इउपिपिएल दोलोखौ बयकट खालामनायनि हुमरिख होयो

बासुगाव, 10 आगस्ट: थांनय 17 बोसोर नाडै बिटिसि
खुंथाइआव थानाय हाग्रामा महिलारिनि दैदेन्याय
बिपिएफ दोलोआ सावथाल हारिखौ थगायबोबाय।
जायनि थाखाय थांनय बिसायख'थियाव सावथाल
फरायसा आफादआ (□ 6 बिलाइआव)



श्रीमन्त शंकरदेव संघ 10-11 जानुवारि 2025 आव कक्राझार-चिरां जिल्ला दालायनि रुपथि माइथाय फोर्बो खुंगोन



बासुगाव, 10 आगस्ट: कक्राझार-चिरां जिल्ला दालाय
श्रीमन्त शंकरदेव संघनि रुपथि माइथाय फोर्बोखौ
फैगौ माइथायनि 10 आरो 11 जानुवारिआव साननैनि
गेदेर गोसो बोजानाय हाबाफारिजों खुंनो थाखाय साखा-
फारा जाबाय। दिनै खुंनय बान्जाय आफादआव बेनि
सोमोन्दै सावरायलायनानै (□ 6 बिलाइआव)

सोलोंथाइनि अनगायै मोनसे हारिनि जौगाखांनया जानो हाथावना नडा: पियुष हाज'रिका

दुलायय आसाम सुत्रधर फरायसा आफादनि 82थि मिरु जथुम्मा खुंफुंदों



कक्राझार, 10 आगस्ट:
गेदेरथार असमिया हारि
दाफुनायाव मख'जाथाव बिफाव
लाबोनाय सुत्रधरफोरनि फरायसा
फरसंथान दुलायय आसाम सुत्रधर
फरायसा आफादनि बिजनीआव
खुंफु'नाय 82 थि मिरु
जथुम्मायाव दिनै समाजारि न्याइ
(□ 6 बिलाइआव)

बाउखुंग्रि बियाबआव गियान सोरां बिथांखिनि गेजेरजों फरायसाफोरनो अन्सुंथाइ गथायदों

कक्राझार, 10 आगस्ट:
सोलोंथाइ लानायाव
फरायसाफोरखौ हेफाजाब आरो
थुलुंगा होनायनि थांखिजों बि
टि आर सरकारनि जागायनाय
गियान सोरां बिथांखिनि गेजेरजों
दिनै 11 न बाउखुंग्रि बि टि सि
बियाबनि सिझव थानाय गासै
सा 200 फरायसुला-
फरायसुलिफोरनो रांखान्थि



अन्सु'थाइनि चेक बिलाइ
गथायनानै होयो। बाउखुंग्रि
बियाबनि सिझव थानाय
औवाबारि भि.सि.डि.सि.
(□ 6 बिलाइआव)

आसाम आयेन आफाद

गासै थान्दैखौनो बरायबाय

लाइमोन सरजाबनाय

हाबाफारि, 2025

नैथि जथुम

मुस्लि विश्वजीत दैमारी
बुंथिगि
आसाम आयेन आफाद

डा: न'मल ममिन
लेडाइ बुंथिगि
आसाम आयेन आफाद

मुस्लि प्रमद बर'
गाहाइ मावफुं सोद्रोमा,
बड'लेण्ड हायुङारि गोथुम

मुस्लि काति राम बर'
बुंथिगि
बड'लेण्ड हायुङारि गोथुम आयेन आफाद

प्र: (ड०) बि.एल. आहुजा
लेडाइ गिसिया
बड'लेण्ड मुलुगसोलोंसालि

प्र: गनेश चन्द्र वारि
लेडाइ गिसिया
क'क्राझार मुलुगसोलोंसालि

आयदा

आसाम आयेन आफादनि बिखान्थि आरो हाबाफारि सामलायनाय खान्थि

आयेन आफादनि बिखान्थिखौ सोलों, हाबसन आरो रोंगौथि ला : इयुनखौ दा

मंगलबार, 12 आगष्ट, 2025

DIPR/DF//BSA/819/11-Aug-25

थावनि: बड'लेण्ड मुलुगसोलोंसालि जथुमसालि, क'क्राझार

सुजुगिरिनि खोलोम

ज’ जानाय

थंनाय माखासे दान सिगां बिटिसिनि फाऱफ्रोमबो बिथिङवनो जौंगाखांनायखौ गोख्रोसिनि आऱो गोख्रैसिन लाबोनो हनाय बादि आऱो हारिनि जौगाथाय, खौसेथिनि सार्थआव बिटिसिनि ओन्सोलारि रजखान्थि दोलो मोनैखौ खौसेआव लाबोनानै बिटिसि बिसायख'थिखौ ज'थै गेलेहोनो माखासे आफ़द आऱो सांघ्रां मेलेमजिबिफोरनि नाजानाय नुनो मोन्नाय जादोंमोन । ओन्सोलारि दोलो मोनैखौ खौसे लाबोनायनि बे नाजानाया माखासे दान सोलिनायखौ नुनो मोन्दोंमोन । बिटिसिनि रइजो–रजा सुबुंफ़ेगबो रजखान्थि दोलो मोनैखौ ज' ख'खालामनो नाजनाय हाबाफ़रिखौ गोजोनाय मोन्दोंमोन जानगों । मानोना ज'थै बिटिसि बिसायख'थि गेलेहोनो हायौब्ला खुंथाय गोहोआव फ़ेन्नायल' नङ, बिटिसिनि ओन्सोलारि दोलो मोनै्या ज' जायौब्ला हारिनि खौसेथिया आऱेबाव गोख्रोसिन जानानै फ़ैगोन बिटिसिनि जौगानायनि दाहरा गोख्रोसिन जागोन होन्नानै सन्नाय जादोंमोन । नाथाय सान्नाय मिजिंथि बादियै ज' जानायनि गोऱेबलायनायखौ मोगथाङव नुनो मोन्नाय जायखिसे । माखासे समनि उनाव दाय होलायनाय आऱो सोंखारिलायनायखौसो नुनो मोन्नाय जावाय । दाय होलायनाय, अजद होलायनायफ़ेय दासान्दि सोलिबाय थानायखौसो नुनो मोन्दौ । बेयफ़से ज' ख'खालामनायनि राक्षारिया सोलिबाय थानाय समनि गेजेरवनो मोनैनै मोनसे दोलोया बिसायख'थिनि थाखाय बिजाथि फ़ोसावनानै दोन्नायाव सावययनायाव जेना नुजागोन बेखौ साप्रेमबो सुबुंफ़ेगनो हम्दादों । अब्लाबो बिसायख'थिनि सिगा सिगां ज' जानायखौ लुबैदां सांघ्रां सुबुंफ़ेग । हारिनि, ओन्सोलनि रैखाथि, जौगाथायनि सार्थआव बयबो ज' जानानै खौसेयै बिसायख'थि गेलेनायखौ बयबो हास्थायदों । हारिआ सेरखाय–बेरखाय जानानै थानाय समनिप्रयनो हारिखौ खौसे खालामनाय, सोलौथायाव सांघ्रांथि लाबोनाय, समाजनि गात्रि हुवाफ़ेरखौ फ़ोसाबनाय, गुबुनजों सै सै ख'खालामजानायनिप्रय रैखाथि होनाय, मोनो गोनो मोन्थायखौ बिख'नाय, हारिनि फ़रफ़्रेम बिथिङव जौगाखोहोनाय आऱो हारिआव नुजाफ़ेन्नाय मोनफ़्रेमबो खेदं–अलखदनि समफ़ेगव हारिया ज'थैनो खौसेयै गसंथाबोनायजौंसो आथिखालनि बे थासारियाव सौफ़ेनो हद्दों आऱे बे रहजौनो सिगांलांनायासो गोनं ।

बिटिसिनि ५ थि बिसायख'थिया खुंजानो गेजेरव दान मोनसे आबुं गैलिया । बेनि थाखाय मोनफ़्रेमबो दोलोफ़ेगनो मोन ४० बियाबफ़ेगव फ़ोसावदिं मेल खुनानै साखा–फ़रा जादोंसै । बेजों लोगोसे समनैनो जइनि जानायनि मेल खुनायखौबो नुनो मोन्नाय जादों । जौनि हदतआव बिसायख'थि फ़ोबो्या बोसोखानि उन उन खुंजावय थायो । बोसोखा सम जोबनायनि उनावनो बिसायख'थि खुंंगांगीया जौनि हदतनि मोनसे मावनो गोनं संबिजारि हाबाफ़रि । बिसायख'थिया फ़ैसो आऱो थाङो । बेबादिनो खुंथाय गोहोयावबो सोलिना–सोल' फ़ेन्नायखौबो नुनो मोन्नाय जायों । बे खेबनि बिटिसि बिसायख'थिनि थासारिखौबो गुबुन रेखोमै नुनो मोन्नाय जादों । मानोना लान्थियैनो बोसोखानाङे गोजोन थासारिनि दाहरा बोहेबाय थानाय बङ'लेन्ङआव मोनफ़्रेमबो दोलोथानो गिनाङ जासेनो बाहगो लानो हनाय थासारिखौ हम्दादों हद्दों । बेखायनो बिसायख'थियाव गोबंथार दोलोफ़ेगनो बाहगो लागोनखौ नुनो मोन्दौ । बे बिथिङे बे खेबनि बिटिसि बिसायख'थियाव गोबां ख'नाआरि बादायलायनाय फ़ैगोबन्क्लाबो गुबै दावहाया मोनै–मोनथाम दोलोनि गेजेरवनो जानो हागौ रइजो–रजानि मेलफ़ेगव बाहगो लानायखौ नोजोर होनानै । दासान्दि गोजौ थाखोनि दैदेनगिरिफ़ोरनि अनगायै सरासन्त्ता सुबुंफ़ेगखौसो दोलो नागालाय, गुबुन दोलोयाव हाबहेनाय सोलिबाय थानायखौ नुनो मोन्नाय जायों । गुबैयै बिसायख'थिनि सम सौफ़ेयोब्ला दोलोफ़ेरनि दैदेनगिरिनिफ़्राय लानानै मदतगिरिफ़ोरनि दोलो नागालानै गुबुन दोलोयाव हाबफ़ेनायनि दुहुम जानायकौ नुनो मोनो । बे रेखोमैनो सोलिनाय नुनो मोनो बिटिसि बिसायख'थिनि सिगां समआव । नोजोर होथानाङ–फ़ासौंथं हारिनि सार्थआव ज' जानायखौ लुबैदोंब्ला बेनि गोनांथिखौबो सान्नाय गाहाम । ज' जानायनि सायाव सावययनाय, अजद लाबोनायनि जुक्तिफ़ोरखौ रइजो–रजाफ़ोरगनो बिजिनानै नायनो हायो । राजखान्थियाव सोंखारिलायनाय सोलियाब्लाबो नाथाय ओंथि गैयै आऱे नेहाद रवजों सोंखारिनाय आऱो गाग्लोबनाया गनायथाव जाया । बिटिसि बिसायख'थिया जेसेनो खाथियाव सौफ़ेदों एसेनो गावबा गाव दोलोनि गोहो फ़ेगनो आऱो बिथाखो खोन्था खालामनो नांथावनानै बाहायनांगो बाश्त्रा–सोदोबनि बादायै थाङोब्ला गोजोन थासारि सोलिबाय थानाय बङ'लेन्ङ ओन्सोलाव रजखान्थिनि थाखाय थासारि गात्रि जालांनायखौ बिटिसिआव रइजो–रजाफ़ोर लुबैया । खौसेब्ला थानानै थागोन, गावस्त्रायेब्ला गोहो गोलोन्दां जालांगोन । बे सान्नाय–हनायजौनो खौसेथि लाबोनायनि हाबाया सोलिबाय थाथौ । रजखान्थिखौ लानानै नेहाद बाश्त्राजों गाग्लोबलायनाया खौसे लाबोनायाव हेंथासो लाबोगोन □

दिनैनि फान्जामुथि	
राशि बाइदियै मुंनि गिबि हांखो	
मेष : अ ल बृष : ऊ ब (उ ए इ) मिथुन : क ङ (ङ घ) कर्कट : ड ह सिंह : म ट कन्या : प ट (ण ष) तुला : त र वृश्चिक : ब न धनु : ध भ (ढ़ फ) मकर : ख ज कुम्भ : ग श (स) मीन : द च (ख ज झ)	
मेघ: मावबाय थानाय खामानिजौनो नख'रखौ जौगाखां होनो हागोन । गोजोन्नाय मोवगोन ।	
बृष: बे रशिनि थाखाय दिनै शुभ सान । मोजां हाबा मावनो हागोन ।	
मिथुन: गोसोआव बायदिसिना सान्नानै गिखांनाय मोन्नो हागौ । लोरबां जानो नाङ ।	
कर्कट: सोरबा मोजां सुबुंजों लोगो जालायनानै थानो हागोन । मोजां सम । गोजोन मोनगोन ।	
सिंह: बेबेबा गोजान जायगानि मन्दिरफेराव दावबायनो हैनो हागोन । गोसोखौ गोजोन मोनगोन ।	
कन्या: जेखि जाया शुभ खामानि मावनो हागोन । सान्नाया जाफुंगोन । गोथार सान ।	
तुला: सानाय–हनाय गासैबो फेलें थांनो हागौ । माबाफोर मावनो गोनां दङबा सांग्राडै माव ।	
वृश्चिक: गोसोआव माखौबा लानानै गिलुं–गिलुं मोनखांनो हागौ । गोसोखौ हमथा ।	
धनु: माखौबा सान्नानै गिखांनाय मोनगोन । गोसोखौ लोरबां लानो नाङ ।	
मकर: जेबो जेना गैयै शान्ति मोनगोन । फाऱफ़ोमर्थिबो मोजां । गोजोन मोनगोन ।	
कुम्भ: माबा मोनसे मुवा–बेसाद ख'हा जानो हागौ । गोसोखौ शान्ति गैयै मोनगोन ।	
मीन: जेखियानो जाया शुभ हाबा मावनो हागोन । फाऱफ़ोमबो गोजोन्नायखौ मोनगोन ।	

भारत उदांस्रि मोन्नायाव इंराजी खौरां बिलाइफोरनि गोहोम

लिरगिरि:–जाहिद आहमेद तापादार

भारतआव उदांस्रिनि फाऱसे गोलाव सम दावबायनायाव

खौरां बिजोंफोरा नायसंगिरिल' नङामोन–बिसोरो उदांस्रिनि दावहायाव गोखों बाहागो लागिरिमोन । खौरां बिजोंआ हादररि सांग्रांथिरखौ फोजाखांनायाव मोनसे मख'थाव बिफाव लादोंमोन । जैरे– फामुवारि खुंथाइनि हेंथायै गसंथानाय आऱो ब्टीस खुंथाइनि हेंथायै नोगोरारिफोरनि बिबुंथिखौ फोसावनाय । १९ जौथाइनिफ़्राय खौरां बिलाइफोरा होबथानायनि मोनसे आइजें नोगोरारि आऱो दैदेनगिरिफोरखौ खुंथाइ, मोन्थाइखौ दाबिनाय आऱो उदांस्रिनि थाखाय जुजिनायनि थाखाय फोजाखांदोंमोन । फामुवारि सोबख'नाया १९ जौथाइआव जोबफैदोंमोन । बे समनिफ़्रायनो भारतनि खौरां बिजोंआ मालायनि बिबुंथिखौ फोसावग्रानिफ़्राय सांघ्रां बेरखा दोलोनि बिफाव लादोंमोन । खौरां बिलाइफ़ोरा समाजारि रजख्स्थियारि आऱो धोरोमारि फोसाबनाय सोमावसारनाय समाव समान्थाइनि बाश्त्रा आऱो हादररि मोन्दांथिनि खौरां फोसावदोंमोन । बिसोरनि सुजुगिरिफोरा खौरांगिरिफोरनिफ़्राय बांसिन सांग्रांमोन । बिसोरखौ बेनिखायनो सान्थौगिरि, खन्थाइगिरि, उकिल आऱो सोमावसारगिरि बुंनायजों लोगोसे जोबथेसालियाव थांनो थाखाय साखा फारा आऱो साजा रुजुननो साखा फारा जानायजों लोगोसे गावसोरनि सान्दांथिनि हेंथाखौ बिसोरो रुजुनो नागारानाै जुजिनो साखा फारा जादोंमोन । होबथानायनि बे रवफोरनि गेजेराव इंराजी रावनि खौरां बिजोंआ मोनसे जर'खा बिफाव लादोंमोन । बे खौरां बिलाइफोरा थोंजों खुंगिरिफोरनिसिम बाश्त्रा फोरमायनो हादोंमोन । भारतनि खौरां बिजौनि जांख्रिथाइआ जेम्स आवगुस्टुस हिक्किनि १७८० माइथायनि 'बेंगल गेजेत'निफ़्राय जागायजेन्दोंमोन । सासे इंग्रज सुबुंजों फोसावजानायमोनब्लाबो हिक्किनि ब्टीस खुंथाइखौ खौरां बिलाइजों गाग्लोबनाया गावनि गिनो रोडै खौरांगिरिखौ सिनायथि होदोंमोन । १७८२ माइथायाव जेब्ला खुंथाइआ बेखौ बन्द' खालामनानै होदोंमोन बिसोरो गिबिसिन भारतनि खौरां बिजोंखौ मुख्ं खालामदोंमोन । जेम्स सिल्क बाकिहामआ १८१८ माइथायाव केलकाता जारनेलनि गेजेरजों गावनि सिबिथाइखौ होलांबाय थादोंमोन । बिनि सप्ताहयारि खौरां बिलाइआ सामफ़्रोमबोनि खौरां बिलाइनि महर मोन्दोंमोन आऱो १८२३ माइथायसिम सरकारनि खान्थिफोरखौ गोख्रोडै हेंथा होलांबाय थादोंमोन । १८५० माइथायाव भारतनि रवफोरा इंराजी रावनि खौरांगिरिफोरजों गोरोबहैदोंमोन । गिरिज चन्द्र घसखौ सुजुगिरि महरै लानानै मदसुधन रायआ १८५३ माइथायनि ६ जानुवारियाव 'डा हिन्दु पेन्थियत' खौरां बिलाइखौ दिहुनदोंमोन । १८५५ माइथायसिमाव हरिस चन्द्र मुखाजीआ गाहाइ सुजुगिरि बिफाव लानानै बे खौरां बिलाइखौ गोख्रोडै दैदेनलादोंमोन । बियो मोनसे मख'जाथाव हादर सिबियारिफोरनि प्लेट पर्म महर मोन्दोंमोन । इन्डिग' जावरिखांनायनि समाव खौरां बिलाइआ फोसावदोंमोनदि, जेब्ला 'आइनआ गोमालाङो, होबथानाया मावथारानांगो बिबाननि महर लायो' । गिरिज चन्द्र घसआ १८६२ माइथायाव 'डा बेंगलि'खौ गाइसनदोंमोन आऱो १८७९ माइथायनिफ़्राय बेखौ सुरेन्द्रनाथ बेनार्जीआ सुजुदोंमोन आऱो बे खौरां बिलाइआ मोनसे रजखान्थियारि बाश्त्रा दान्थेलायनाय आऱो फोरोंथाइनि गेवलां फोथार महरै उदांस्रि जुजिनायनि इयुननि दैदेनगिरिफोरनो खाबु होदोंमोन । १८७८ माइथायाव खौरां बिजौनि आइन दाफुंजानाया मोनसे माइल खुन्थिया गाइसनो हादोंमोन । 'डा अमृता बाजार पत्रिका'खौ घस बिदा फंबाय सिसिर कुमार आऱो मथिलालआ मोनसे सप्ताहयारि बेंगलि खौरां बिलाइखौ

जम्मु–काश्मीरनि कुपवाड़ाआव सान्थ्रिफोरा उतखारिफोरनि केम्पखौ सिलिंखार खालामदों



श्रीनगर, १० आगस्ट: सान्थ्रिनि जवानफेरा थांनाय शनिबारखालि सा–काश्मीरनि हफरुदा (कुपवाड़ा)आव थानाय उतखारिफोरनि मोनसे केम्पनिफ़्राय हाथियार आऱो गुबुन साजायग्रा मुवा–बेसाद बोखांनो हादों । जवानफेरा उतखारिफोरनि केम्पफोरखौ सिलिंखार खालामो । बेयाव मोन्नाय खौरांनि बायदिब्ला, बे उतखारि केम्पखौ हफरुदनि द्रुड हाग्रायाव बानायनायमोन । बे ओन्सोलखौ गुलाम जम्मु–काश्मीरनि फाऱसेनिफ़्राय हाबफैनो गोनां उतखारिफोरनि गेजेरजों हायेननि सिङव थानाय ओन्सोलफेराव थांनो थाखाय बाहायनाय जायो । सान्थ्रिनि ०२ रजपुट इडनिटनि जवानफेरा दिनै फुङव द्रुडआव मोनसे जर'खा खौरांनि सायाव बिमा खालामनानै नागिरनाय हाबाफारि सालायदोंमोन । बे समाव बिसोर हाग्रायाव थानाय मोनसे जायगायाव बानायनाय आन्डार ग्राउन्डे उतखारि केम्पनि सोमोन्दै मिबथिनो मोनो । बिसोर बेयावनिफ़्राय मोनसे आरपिजि आऱो आरपिजि ग्रेनेडनि अनगायै गंसे एसाल्ट राइफल, गंसे फिस्टल आऱो गुबुन साजायग्रा मुवा–बेसाद बोखांनो हायो । बेयाव हमनो हायोदि, उतखारिफेरा रैखाथि हान्जाफोरखौ नुनानै बेनिफ़्राय खारलांबाय । बिबानगिरिफोरा फोरमायनाय बायदिब्ला, जवानफेरा उनाव उतखारि केम्पफोरखौ सिलिंखार खालामो । बिसोर हाग्रायाव उतखारिफेरा थाखोमानायनि सन्देहखौ नोजोर होनानै नागिरनाय हाबाफारि सालायो ।□

दिहुन्नानै मोनसे जारिमिन सोरजिदोंमोन । १८७८ माइथायनि २१ मार्चआ बनि १थि इंराजी सुजुनायनि मख'जाथाव अक्ट'मोन । बे खौरां बिलाइआ ब्टीस सरकारनि खौरां बिजौनि सायाव मान होयैखौ गोखों रवजों सोंखारिदोंमोन । बेबायदि गोहो गोरा एबा साहसजों फामुवारि खुंथाइनि हेंथायै जुजिनाया गुबुन फोसावगिरिफोरखौबो थुलुं गाखां होदोंमोन । सुजुगिरि सिसिर कु मार घसआ फोसावदोंमोनदि, बिसोरो जौनि सालाइखौ बुश्रमनो हागौ नाथाइ बिसोरो जौनि गावआरि मोन्दांथिखौ सिरियै लाखिनो हाया । बे बोसोरवनो सुजुगिरि जि सुब्रमानिया आयरआ माद्रासआव 'डा हिन्दु' खौरां बिलाइखौ फोसावजेनदोंमोन । जाय खौरां बिलाइआ खोला भारतखौ हादर सिबिनायनि फाऱसे फोजाखांदोंमोन । जेब्ला १९२८ माइथायाव भारतआरि थान्दै गैयालासेनो साइमन कमिचनआ हाबफैदोंमोन । बे खौरां बिलाइआ फोसावदोंमोनदि, सासेबो भारतआरि गैयालासेनो भारतखौ सामलायनो नागिरनाया खुंथाइयारि दुगाखांनायनि सिमाखौसो दिन्थियो । १९०५ माइथायाव बेंगल बोखावनाय समाव सुरेन्द्र नाथ बेनार्जीआ 'डा बेंगलि' खौरां बिलाइआव लिरदोंमोनदि, बेंगलनि खौसेथिया बेंगलनि देरहासारनाय । नाथाइ बेंगलनि गावस्त्रानाया बेंगलनि जोबस्त्रानाय । २० जौथाइनि गिबि थाखोआव इंराजी खौरां बिलाइआ गोबां गोखों रवफोरखौ फोसावनो जागायजेनदोंमोन । १९१४ माइथायाव एननि बिसान्तआ निउ इण्डिया मुंनि खौरां बिलाइ फोसावनानै गावआरि खुंथाइ बायदि गोहो गोरा रवफोरखौ फोसावनो हादोंमोन । बिथानि १९१७ नि सुजुथाइआ नख'र खुंथाइआ ब्टीस खुंथाइनि मोनसे बान्था नङा । बियो भारतआरि नाजाथाबनायनि मोनसे मोन्थाइसो होन्ना फोसावदोंमोन । एलाहाबादनिफ़्राय १९१९ माइथायाव मथिलाल रेहरुआ 'डा इण्डिपेन्डेन्ट्यखौ फोसावनानै कंग्रेसनि सान्थौखौ फोजाखांदोंमोन । सरकारनि नारसिनथाइआव बेयो २ बोसोरल' जोरदोंमोन । बे खौरां बिलाइआ जालिवानवालाबागनि जाथाइखौ गोसोखांबाय थाथाव महरै फोसावदोंमोन । बे खौरां बिलाइआ बे जाथाइखौ मोनसे जायगाल' नङा बियो हादरनि गोबों बिखायाव उदांस्रि जाजासिम गानो रोडै मोनसे गेदेर जखम होन्ना फोसावदोंमोन । १९१९ माइथायाव गान्धीनि 'इयां इण्डिया'नि नुजाथिनाया खौरांगिरिफोरनि सान्थौआरि गोथौंथिखौ मोगथां महर होबोदोंमोन । बिथानि सरासन्त्ता महराव सुजुनाया रजखान्थियारि माखासे गोरोन्थिफोरखौ आसि दिन्थिदोंमोन । गान्धीजीआ लिरदोंमोनदि, अहिंसाया मोनसे गानजाग्रा ड्रेस नङा आऱो खुजाग्रा ड्रेसबो नङा । बनि जायगाया गोर्बोंआवसो आऱो बियो जौनि गोर्बोंनिफ़्राय बोखारजाथावबो जानो हाया । जोबथारनायाव १९३३ माइथायाव गान्धीआ हरिजन मुंनि खौरां बिलाइनि गेजेरजों समाजारि फोसावथाइनि समान्थिखौ दैदेनदोंमोन । फामुवारि खुंथाइआ इंराजी खौरां बिजौनि गोहोमथिनि सायाव थोंजों हेंथा होदोंमोन । १९१० माइथायनि खौरां बिजों आइनआ फोसावनाय फोसावगिरिफोरनि सायाव रैखाथि दाबि खालामदोंमोन आऱो बियो फिसा फिसा खौरां बिलाइफोरखौ फोजोबस्ांदोंमोन । १९१५ माइथायनि भारत होबथा आइनआ सुजुगिरिफोर आऱो खौरांगिरिफोरखौ हमनानै आइननि बेरेखा फोसावनो नाजादोंमोन । १९४२ माइथायनि भारत नागरा सोमावसारनायाव जेब्ला गुबै थाखोनि खौरां बिजोङा जुजिनायाव नांथाबदोंमोन गोबां खौरां बिलाइफेरा गावसोरनि होबथालु फोसावथाइजों गसंथादोंमोन । 'डा बम्बे क्रनिकोल' जायखौ बेन्जामिन हरनिमानआ सुजुदोंमोन आऱो उनाव साइद आबदुल्ला ब्रेलभिआ सुजुदोंमोन । बै समाव सरकारि हुमखि होनायफोरनि हेंथायै गिनाय गैयाजासेनो खौरां फोसावदोंमोन ।

ट्राम्पआ पुतिन आऱो भलदिमीर जेलेंस्कीजों शिखर सन्मिलन खुंनो थियारि जादों

वाशिंटन, १० आगस्ट: आमेरिकानि हादरगिरि डनाल्ड ट्राम्पआ अलास्काआव रसियानि हादरगिरि ब्लादिमीर पुतिन आऱो इउक्रेननि हादरगिरि भलदिमीर जेलेंस्कीजों शिखर सन्मिलन खुंनो थाखाय थियारि जाबाय । बे बाश्त्रानि खौरांखौ ह्वाइट हाउसआ शनिबार ९ आगस्टखालि होदों । बिबानगिरिआ फोरमायबावदोंदि, ह्वाइट हाउसआ आथिखालाव पुतिननि आर'ज गाबनायनि सायाव बिसोरजों लोगोसे जश्रुम खुंनो थांखि लागासिनो ।

ब्राजिलआ पिएम मदिखौ लानानैबो गिदिर बिबुंथि होदों

गोदान दिल्ली, १० आगस्ट: भारतनि जौगाखांनायखौ मदत होनानै भारतआव ब्राजिलनि रजथान्दै केनेथ फेलिक्स दा नब्रेगाआ थांनाय शनिबारखालि गाहाइ मन्थ्रि नरेन्द्र मदिनि दैदेन्नायखौ बाख्नायो आऱो थांनाय १० बोसोरव हादतनि रंखान्थि आऱो समाजआरि, मोननैबो बिथिंफेराव जौगाखांनायखौ मख'जाथाव होन्ना फोरमायो । बिथाङ ब्रिक्स शिखर सम्मेलननि समाव गाहाइ मन्थ्रि मदिनि ब्राजिल दावबायनायखौ माइल खुन्थिया होन्ना फोरमायो । जर'खा सावययनायाव रजथान्दै दा नब्रेगाआ बुङेदि, भारतखौ नायबिजिरनाया ब्राजिलनि खामानि नङा । नाथाय थांनाय १० बोसोरफेराव जों जायखौ नुनो मोन्दौ बेयो थांनो जौगाखां । बेनि फाऱसे जों जेबो थांखि खोनासेंहोनो हाया । नाथाय जौगाखांनाया रेखा । बिथाङ बुङेदि, जुदि आं गोरोन्थि नङब्ला थांनाय २० बोसोरव सासे भारतआरि गाहाइ मन्थ्रिनि बेयो गिबि

जेब्ला हरनिमानआ १९१९ माइथायाव गुबुन दाबसे जायगायाव दैथायहरजादोंमोन बे खौरां बिलाइखौ हादररि सान्थौजों भारतआरि सुजुगिरिया फोसावबाय थादोंमोन । १९३८ माइथायनि ९ सेप्टेम्बरआव जवाहरलाल नेहरुआ 'नेसनेल हेराल्ड'खौ गाइसनदोंमोन आऱो उदां भारतनि थाखाय कंग्रेसनि थांखिखौ फोसावदोंमोन । बनि बेखेवजेन्नाय सुजुगिरिया फोसावदोंमोनदि, जों दिनैनै भारतनि थाखायल' लिरा नाथाइ गाबोननि उदां भारतनि थाखायसो लिरगोन होन्ना फोसावदोंमोन । सुन्दर सिं लियालपुरिजों गाइसनजानाय 'डा हिन्दुस्तान टाइम्स' जायखौ उनाव जिडि बिरलाआ १९३२ माइथायाव गाइसनजानाय इण्डियान एक्सप्रेसजों फोनांजाबनानै सरकारि नारसिनथाइनि हेंथायै भारत नागरा सोमावसारनायखौ हेफाजाब होनानै खौरां फोसावबाय थादोंमोन । 'डा हिन्दुस्तान टाइम्स'आ फोसावदोंमोनदि, १९४२ माइथायनि ९ आगष्टआ जारिमननि मोनसे अक्ट'ल' नङा बेयो मोनसे सम जेब्ला भारतनि सहायनाया जोबहैदोंमोन आऱो जुजिनाया जागायजेनदोंमोन । आसामाव 'डा आसाम त्रिबुन'खौ गुवाहाटीयाव १९३९ माइथायनि ४ आगस्टआव रादा गबिन्दआ गाइसनदोंमोन । फामुवारि खुंथाइनि हेंथायै गिनाय गैयाजासेनो खौरां फोसावदोंमोन आऱो ब्टीस खुंथाइनि सोबख'नायखौ हेंथा खालामबोदोंमोन आऱो गाव खुंथाइ दाबि खालामनाय खौरांखौ फोसावबाय थादोंमोन । गोबां हेंथा मोन्दोंमोनब्लाबो उदांस्रि सोमावसारनायाव 'डा आसाम त्रिबुन'आ गोख्रोडै खौरां फोसावलांदोंमोन । आइजो खौरांगिरिफोराबो उदांस्रि सोमावसारनाय समाव इंराजी खौरां बिलाइआव गोबां बिहोमा होबोदोंमोन । सरजनी नाइडुआ इंराजी राइथाय लिरनानै भारत उदांस्रिनि सोमोन्दै नोगोरारिफोरखौ फोजाखांदोंमोन । नाइडुआ लिरदोंमोनदि, जों रावनिबो हेंथायै गसङाखे नाथाइ गुबै मोन्थाइनि थाखायसो, रावनिबो हेंथायै गसङाखे नाथाइ मोन्थारानांगो मोन्थाइनि थाखायसो आऱो रावखौबो खुंनो जुजियाखे नाथाइ उदांस्रिनि थाखायसो । 'डा इण्डियान डायस परास' इंराजी फोसावथाइआबो मुलुगनांआरि हेफाजाब बिनाय बिथिङव गोबां बिहोमा होदोंमोन । स्यामजी कृष्ण बर्मानि 'डा इण्डियान ससियलजिस्ट' जायखौ लण्डननिफ़्राय फोसावदोंमोन । बियो फोसावदोंमोनदि, आवग्रिथाइखौ होबथानाया सरासन्त्ता बिजिरथाइ नङा, नाथाइ मोनसे गोखों बिफावसो । ताराक नाथ दासनि 'डा प्रि हिन्दुस्तान' जायखौ भानकौबारनिफ़्राय दिहुन्दोंमोन आऱो सेन्ट प्रारिस्स्क'निफ़्राय दिहुनजानाय 'हिन्दुस्तान गाधार' जायखौ हर दयाल आऱो कारतारसिं साराभाया सुजुदोंमोन । बेबो गुबुन हादराव थानाय भारतआरिफोरखौ उदांस्रिनि थाखाय फोजाखांदोंमोन । १९०९ माइथायनि सेप्टेम्बर दानाव भिकाजि कामाया 'बन्दे मातरम'खौ फोसावदोंमोन जाय ब्टीस फामुवारि खुंथाइनि हेंथायै सोमावसारनाय समाव भारत उदांस्रि सोमावसारनाय आऱो हाथियारनि होबथानायखौ फोनांजाबदोंमोन । बार्लीनआव १थि मुलुग दावहानि समाव भिरेन्द्रनाथ सत्तपाद्यआ भारतारि उदांस्रि आफादिनि गेजेरजों 'आजाद हिन्द' मुंनि मोनसे खौरांलाइ फोसावदोंमोन । मुलुगनांआरि खौरां बिलाइफोराबो भारत उदांस्रि सोमावसारनायनि बिथिङव मख'जाथाव बिफाव लादोंमोन आऱो ब्टीस फामुवारि खुंथाइनि हेंथायै नोगोरारिफोरखौ सोमावसारनो थुलुंगा होदोंमोन । 'डा निउयर्क टाइम', 'डा डैलि हेराल्ड', 'डा नेसन' 'डा खुष्टीयान साइन्स मनिटर' आऱो 'डा साभियेट प्राभदा'या मुलुगनांआरि सांग्रांथि आऱो हेफाजाब होनायाव भारतनि जानानै बुंनानै फोजोबनो हायै बिहोमा होदोंमोन ।□



आथिखालाव जेलेंस्कीनि बे मिटिडाव फैनायनि सिगां सान्नाय सोमजिबाय थादोंमोन । मानोना बिसोरनि दावबायनायखौ लानानै जेबो जोबथा महर होयाखेमोन । जेलेंस्कीआ थांनाय

ब्राजिलआ पिएम मदिखौ लानानैबो गिदिर बिबुंथि होदों



ब्राजिल दावबायनाय । बिथाङ बुङेदि, रैखाथि, इनाजि, मुलि, डिजिटेल इनफ़्रास्ट्रक्सार बायदि बिथिंफेराव भारत आऱो ब्राजिलआ लोगोसेयै आवगायनो हागौ । थांनाय बोसोरनैनि गेजेराव ब्राजिलनिफ़्राय सा ७७ फालांगियारि थान्दै आफादआ भारत दावबायदों ।□

4

बिलाड़

कक्राझार, समबार 11 आगस्ट, 2025

नौनि सावगारि

नौनि गोदै मिनिखैरोयै मिनिनाय
मिलौहाब रैसुमै देंखोनि रायज्लायनाय
आंनि गोसो फैसालियाव
सिमां–मोगथां गोसो अरनाव
नुजाफैयो सना ददेरे
गले गले नौनि सावगारि।
नौनो आंनि गोदै सिमां
थिनाय मिजिंनि बेसे आंगो
जिउ फैसालिनि सायखं
गोसो अन्दरनि दरखं
जेराव नौनि अनसुलि महरा
नुजाफैयो आंजों गासै हराव
लुनानै दोन्नाय सनानि देरायाव।
नौनि सावगारि बेसे समायना
आंनि मेगननि नोजेराव बेसे हायना
नौनि अनसुलि आखुआनो बरायबाय
नौनो आंखौ बावनो हांयि खालामबाय
सानखि हर गोसो फैसालियाव
नुहां–नुवाहां गोसो अन्दराव
जाखारफैयो खालि नौनि अनसुलि महर
नुजाफैयो जेरावबो नौनि रोखा सावगारि।

मुस्त्रि जोंसार रामसियारि
फरायसालि–मुसलपुर कलेज
ला:सो:–मुसलपुर
जिला–बागसा बि.टि.सि.,

जाबाय आं दुथामि

आंनि जिउनि हाहाहोगिरि
अनजालु आन्जालि, बिफा बिमाफोर
गावसोरनि गोसो गोबोंआव हाजासे,
गोथार मिजिं लानानै दोनहरदोंमोन,
दिनै आंखौ टाउन–सह`राव ,
स्कुल, कलेज फरायनो।
बुरलु बुरला खालामनानै
गावसोरनि बिखानि थैखौ दै खालामनानै,
हरदोंमोन रोजा रोजा रां
गावनि फिसानि नांगौ बादियै।
नाथाय दिनै मोनथिया हासिया,
सह`रनि गुदुं बारजों बारफानानै
गावनि सान्नाय हनायखौ सोलायबाय,
बिफा–बिमानि सान–इजोदखौ बावगारबाय।
लिरनाय–फरायनायआबो जाबाय
लैथोनि दै दाहारआव गोजावनाय
खोमस्लिफानफोरा बायदि थांखि गैयै।
सानफ्रोमबो सह`रनि ग`लायावल`,
जौ, सिगारेट आरो थांखु सोबै –सोबै
समखौ आं बारहोदोंमोन।
गावनि जौमोनननि हाबिलासखौ सानहरनो
सम आरो बोथोरआवो गैला आंहा,
खालिबोल` नांगौ –नांगौ–नांगौ
जौ, जुवा आरो सिगारेट।
गिनाय, लाजिनायआबो गोमा जोवबाय,
लामा सामा सिख्ला सासेबो
बारग`लिया....
हाय! आं मादि मावफोनांखो....
थारैनो जाबाय आंबो सासे दुथामि।

मुस्त्रि प्रफुल्ल नार्जारी।
कक`राझार कलेज।
थाखो हारिमु सालिया सेथि बोसोर।
ला:सो: – दतमा।

॥ मा बोरै फोरमायबावनो ॥

बेसेबा सान बाबेन लांबाय स`ना
आं नोंखौ मोजां मोननाया,
नाथाय र`जे, नों मानो बुजिरोड ?
आंनि थार मोजां मोननायनि ‘इसाराखौ।
सान–हर गोसो खाडो, नोंखौल` ख्लाब–ख्लाब,
नाथाय स`ना, बिखा गाव खुगा गेवा।
सानो नौनिसिम लाइजाम हरनो
नाथाय फागोला गोसोया मानोबा हमथाफिनो,
मा बोरै फोरमायबावनो आं ?
हाय अनजालि, “नोंखौ मोजां मोनो” होनना।

मुश्री शुक्र राम दैमारी
फरायसालि–शालबारी सिनिअर कलेज
जिला–बागसा (बड`लेण्ड)

मेग`नाव मोदै जानांबाय

दानलाय–सुलाय दासिमबो
जोबनो गैयै बर`नि सुथुर,
जोबनानै थाडखै।
बबे जुगाव जोबनानै थांगोन
बेनिबो ओंथि गैया।
मोनथिस`हाया आरो बबे जुगाव
सुख सान्थिआ माब्लादि फैगोन
बेखौबो नायहरब्लाबो नुहुरस`नो मोना
सिमाडवना मोकथाडव।
नाथाय दासिमबो बर` माहारिआ
राइजो मोनदोंब्लाबो सुख सानथिआव फैयाखै
दानलाय–सुलायआवनो बर` माहारिआ थैना थानोसै
बर` माहारिआ दिनैसिमबो खौसेयै गैयाब्ला,
बर` बिमानि मोदैआ हाजोनि दै गबोनाय बायदि
मेगननि मोदैआबो र` र`.....
बोहैबोबाय थागोन।
बुजिनानै ला बर` फिसाफोर–
मा जालांनो हमदों ईसोरासो मोनथिगौ।
नाथाय जौंनि जाथायखौ जों मोनथिनो मोना
मा जालांगोन बबेआव हाय,
फै बयबो खौसेयै जानानै गुबुन हारिखौ
बर`नि आथिं सिडव दोन्नो
सोर बर`आ बिर जोहोलाव उजिफैबावनो,
गुबुन हारिखौ फोजोबोनोलाय।
बै जुगनिफ्राय खौसेयै दंमोनब्ला
मेगनाव मोदै खुगायाव खुदै जानांनाय नडमोन
हर` माहारिआ।

मुश्री अनसुमै नार्जारी
हेल हाईस्कुल
गंगिया, कक्राझार।

हुगारनो फै बिमानि मोदै

गुबुन हारि हारिमाया दिनै
बर हारिनि धोरोम दाड बाजियाव
मिनि खोमादों खुगा मुथु–मुथु।
धोरोम दावहायाव बारसोमदों हनै
सुथुरजों नाड लासिनो,
बिदा–फंबाय दानलाइ–सुलाइ
अनजिला गोथै मुंख्लं।
बर` बिमाया फिसाजोनि अलखदनि समाव
गाबनाय दुखारु मोदैया दिनै,
दैबाना जानानै बोहेलांदों बहुमनां।
मिथिंगाया बरनि आखुखौ नुनानै
स्रि–स्राय माखौबा हांमा सुरदों,
सिगुन, सिला, दावखाफ्रा हनै
गा–गा,गि–गि गाबनानै
बर` गामियाव बिरबोदों फालो–फालो
थुरि बारिनि सियाला गाबदों
सान जुफुं थिर थिर, हुवा–हुवा
बेसे दुखु नांथाव
जों बाथौ धोरोमनि गेजेरजों
बर` हारिनि सिनस्रिखौ
गोगो गेरेमसा खालामनानै
मुलुगआव आगान दोनलांनि फै।
सिजौ आफाया माखौबा
नाय हाबदों गोमोनानै सायर
ओजों बर`बिमाया हायाव गोलै सोनानै
बुंदों गिलिर गाराडै
फिसाफोर नोंसोर खोमा हो
धोरोमा हारिनि सिनस्रि
सिनस्रि गैयाब्ला मानसिया गसं हाया
धोरोम गैयाब्ला बहुमाव हारिया गसंथा हाया
फिसाफोर खोसेयै लैहोर लैहोर फै

मुश्री दानसोरां बसुप्ततारी
फरायसालि–हायार सेकेण्डारी कक्राझार

फोलानाय

जेब्ला आं नोंखो सान्दोंमोन
सिरिसे गुसु बारा बारफैदोंमोन
जेब्ला आं नोंखौ नुयो आंनि सिमाडव,
आं उन्दुनायनिफ्राय सिखारनो लुबैयाखैमोन
जेब्ला आडो हारसिडै,
आं नोंखौ मिथियो मोकथाडव आंगो आंनि।
जेब्ला नोडो आंगो आंखौ,
आं गासिखौबो बावो।
नाथाय जेब्ला आं नोंखौ दानो नागिरो
नों बारजों गोमोर लाडो।
यै आंनि मोजां मोन्नाय
बबाव दड`नोडो ?
आं गिखांदोंमोन
नों गोहो बोलो नागरनानै फै,
आं हारसिडै।
आं नौनि गोनांथार फेलें जानाय आरो
थारैनो मोजां मोनो आं नोंखौ।

मुस्रि अशुक बसुप्ततारी
गामि – गफालगाव,
ला:सो: – कक्राझार

रंजालि गथ`फोरनि सौरा

नौनि थाखायनो

आसा नौनि थाखायनो
गोजोन गैला आंहा।
नों मानो आंखौ मिथिया
नों मानो आंजों एरा–एरा।
नौनि बेबायदि आखलावनो जाबाय
आं बोदोर बावलि। राइज्लायनो
सानो आं नोंजों आंनि गोसोनि
बाश्नाखौ। नाथाय नोंदि आंनो
गुमुरखौनो होआ। आं सानो आंनि
अन्नायखौ नौनो होनो। नाथाय
नोंदि गुमुर होआ। नौनि थाखायनो
जाबाय आं उसु–खुथु उसाव–बादाव
नाथाय नों मानो आंखौ मिथिया ?
नौनि बेबायदि आखलावनो जाबाय
आं दिनै फाग्ला नों मानो बुजिया
नों मानो मिथिया ? जाबाय आं
नौनि थाखायनो खाराव–माराव।
जानो लोंनो खहाबला नौनि थाखायनो।
उन्दुनो ओंखारला नोंखौ सानै–सानै
सान हर। आसाया मानो दुखु नांथाव
आखल दिन्थियो आं नौनि गोबोंनि
अन्नायखौ अरायबो मोन्नो लुबैयो।
आंबो आंनि अन्नायखौ सिरि सिरि बोनो
होदोंमोन आसा नाथाय नों आंनो गुमुर
होआ। गोसो खांसै अराय नोंखौल` हास्थायसै
अराय नोंखौल` नौनि थाखायनो जासै आं
एखनबा गोसो खांना मोदेनि बाना।

श्री दिदोम नार्जारी
जोंमा बड़ फरायसालि, पाटगाव
गामि:– सारामुरी

गोजा गलाब बिबार

फालगुन दाननि जावलिया बाराव।
सानस`नो हायै लाइमोन बैसोआव
गुवार गोसोनि अन्नाय लानानै
मोजां मोन्दोंमोन रजे
आं नोंखौ जेब्ला।
अब्ला, नों आंनि बायराब
देरानि लांगोनायाव बारदोंमोन
सानैसोनि गोजा गलाब बिबार।
दिनै बै गोजा गलाब बिबारा बहा ?... ?
नाथाय , नोंदि बै सिख्रिफोरनि
गेजेरावसो बारहैनानै दं।
आंनि बेसेबा गोजानावसो।।
नों, मोदोम जायाखैथं,
सिख्रिफोरजों बिदै सोबजानो।
बिबिदिनो, र`जे नोंखौ आ
हास्थायदोंमोन मोकथांआव।
नाथाय नोंदि बावगारलांबाय
अब्लाबो आं नोंखौ गोर्बोंजों
मोजां मोन्दोंमोन...
जाफुं होनो थाखै.....
नाथाय सानाखैमोन नों र`जे
आंनि अन्नायकौ सैथो गोथार होन्ना।
जाउनाव जानांबाय आं दिनै
लोगो गोमाजानाय दाउसा माउरिया
बिदिब्ला र`जे बुं बै समनि
अन्नाया बेसेन गैयामोन नामा।
जानो हागौ आंदि गोरोन्थि
खालामबाय बिनि थाखाय नों
आंखौ नेवसिगारनो हागौ।
नाथायय, नोंबो इसेबां गिदिर
समाय लानायखौ गियाखैसै।
ना नों समायखौ फिसा
होन्नानै सासनबाय नामा।
ना फालगुन दाननि थिं थिं
सान्डुं दुंनायाव रानज्रंलानो
हमबाय नामा बै गोजा
गुलाब बिबारा।

बेनिजन बरग`थारी
थाखो – हायार सेकेण्डारी सेंथि बोसोर
जिल्ला– बडइगाव, बि.टि.सि., आसाम

मिथिंगा

बेसेदि समायना बेसेदि रमायना जौंनि
बे आसाम हादरनि मिथिंगा बिखाया।
सारि सारि बिफां लाइफां लारि लारि
हाजोनि सारि जौंनि बे आसाम हादरआ।
जैरैबो सोरगिदिं समायना रमायना गय
खान्थाल थाइजौनि बारि बर फिसानि
गामि, गोजौ गाहाय जैरैथिंबो समान
जौंनि बे बर हारिनि गामिया, समायना
रमायना गाबजों दाजानाय गोमो गोथां
रंनि बर हिनजावफोरनि दखना गान्नाय।
बेसेदि समायहाब होदों जौंनि हारिनि
सिनायथि समायना मिथिंगा बिखायाव
मा एसे मोजां समाय नाइनि गोमो गोथां
गाबजों मा एसे समाय हाबदों जौंनि बे
मिथिंगानि बिखायाव आय हाबाब।

श्री रन्जय कुमार बर
गामि:– लावख्रिगुरि
थाखो:– जि।

मोदैनि बाना

आंनि मेगननि मोदैखौ सोर हुगारनो,
गैयामोन आंनि थाखाय गोसोआव रावनिबो
अन्नाय आरो गोसो गोरबोजों मोजां मोन्नाय
सान्दोंमोन आंलाइ बहुमाव उजिनानै
मानसिनि अन्नायखौ मानसियानो मोनगोन होन्नानै
नाथाय माथो मानसिनि अन्नायखौ मानसिया
मोनालासै गुबुन मासे सैमा बांग्रायासो मोनबाय।
आं जेब्ला थाखो डाइनआव फरायदोंमोन
अब्ला आं सासे समायना महरगोसा
सिख्लाखौ मोजां मोन्दोंमोन।
अब्ला आं सिगां खेब अन्नायखौ बिनाव बिदोंमोन
नाथाय, बियो आंनो अन्नायखौ
होदोंमोनबो, आं जेब्ला गोरबो बिखानिफ्राय
अन्नायखौ गोगोमै होदोंमोन अब्ला बियो
बुंदोंमोन आंहा गुबुन सासे दंखायो होन्नानै
अब्ला बियो बुंनाय लोगो आंनि अनगायै
गुबुन सासे सेंग्राजों मोजां मोनलाइदोंमोन।
नाथाय बिनि साननायाव आंनि गोरबोया थेर बेथेर
गावस्रा लाडो बारजों
उरां फारां सान्नायजों बोदोर बावलि
अब्लानिफ्राय आंनि सान्नाया
फामोला जायो।

श्री राइदाव कुमार बर
गामि:– लावख्रिगुरि
थाखो:– जि।

आंगो बिमा

जोनोम होबाय नों जोंखौ बे भुमाव;
फैलाव मिथिंगानि गोजोन बिखायाव;
फोरोंबाय नों गोदै बिमा राव जौंनि खुगायाव;
फेदेरबोबाय–फोलावबोबाय गोबां
सान–हर आखाइ आरो बिखुडाव लानानै,
गोबां सान हाद्रिजों गेलेनायनिफ्राय गोजानाव लाखिनानै,
गियान बुद्धि होबाय मिथियैखौ मिथिहोयो,
हारि–माहारि, धोरोम मुगैयाजासे गावजोंगाव अनज्लायनो,
बे भुमाव आलो गोजोन थांना थानो–
बावनो हाया नौनि दुखु–खस्थ सहायनाय,
फिसाफोरखौ फोथानायनि थाखाय गावखौनो गाव हाबा–
हुखायाव बावसोमनाय,
नौनि अन्नाय बिलिरनाय गोदै राव बोसोनखौ,
नौनि अनसुली थार महर मुश्रीखौ,
गोसोखाडो सोलेरनि गोर्बो इसिडव गासै आखुयै।
नौनि गियान–बोसोनानो जौंनि गोहो सोलेरनि
नडमोनब्ला जागौमोन जैरैबो राहा मोनै खाना
नुयोब्लाबो जौंनि थाइनै मेगना।
आइयै बिमा। नौनि बे मा एसेबां गोमोथाव बिहोमा!
होबाय नों जौंनो गोजोन–सान्थियै थांना थानो जैरेबो सोरां
लामा।
दड`दासिमबो नौनि बे अनसुली थार महर मुश्रीया,
नौनि बे गोदै राव गोहो आरो गियान बोसोना,
सोलेरनि गोर्बो इसिडव मेलेमजों सिथाबनानै–
सोलेरनि गोर्बो इसिडव मेलेमजों नांथाबनानै।

मुश्री मृथुनजय दैमारी
गामि– सा दांगारखुटी,
ला:सो:– द`तमा
जिला– कक्राझार बि टि सि आसाम।

तामुलपुर राभा फरायसा आफादनि बान्जायनायाव “गोदान मुगानि सोलोंथाइ, समाज आरो सुबुंथि” आयदाफारिनि सावराय जथुम खुंदों सोलोंथाइआरि इयुनखौ थि खालामनायनि थांखि

तामुलपुर, 10 आगस्ट: तामुलपुर जिल्ला राभा फरायसा आफादनि बान्जायनायाव दिनै तामुलपुर श्रीमन्त शंकरदेब राइज्योआरि मेल जथुमसालियाव सोलोंथाइआरि इयुनखौ थि खालामनायनि थांखिजों “गोदान मुगानि सोलोंथाइ, समाज आरो सुबुंथि” आयदाफारिनि हाबाफारिनि सावराय जथुमआ सम बादियै जादों। बेबायदि सोलोंथाइआरि सावराय जथुमआ फरायसाफोरनि सान्थौआरि गियान जौगाखांनायाव हेफाजाब होयो। मोन्दांथिखौ फानालासेनो समाजनि जौगाखांनायनि खामानि मावनंगोन फरायसाफोरा। सासे–सासे सुबुंनि ओंथिया सोरबा हौवा एबा सोरबा आइजो। जों साफ्रोमबो सुबुं। सुबुंनिफ्राय सुबुंथिनि बिगोमा जानांगोन। फरायसाफोरा सुबुंथिनि बिगोमा जानो हायाखै। आखु दिन्थिनाय, बाश्रा बुंथिनायनि गेजेरजों सासे सुबुडा सुबुंथिनि गुबै थासारिया सोमजियो। जायफोरा मोन्दांथि गोनां सुबुं बिसोरो माब्लाबाबो गोग्गाया। भारतबर्षनि दर 35 राइज्योआव माखासे गिबि मन्थि दड आरो नाथाय साफ्रोमबो सोराडव मिबथिसारजाया। भारतनि गाहाइ मन्थि नरेन्द्र मदिनि सुबुंथिया गुबुन हादतनि दैदेनगिरिफोरनिखुइ रुजुजाया। आसामनि गिबि मन्थिफोरनि सोरबा गिबि मन्थिनि सुबुंथिया मिबथिसारजायो। ड॰



हिमन्त बिश्व शर्मा, सर्बानन्द सनवाल, तरुन गगै, गौरब गगैखौ जयै गसंथा होयोब्ला गाव–गावसोरनि सुबुंथिया मिबथिजायो। गिबि मन्थि जागोन होन्नानैनो ड॰ हिमन्त बिश्व शर्माआ गिबि मन्थि जागोन। सर्बानन्द सनवाल आरो ड॰ हिमन्त बिश्व शर्मामोननि गेजेराव सुबुंथिनि फारागथि दड। सर्बानन्द सनवालनि सुबुंथियाव हरियारि सान्थौ आरो आध्यात्मिकआ दड। गुबुन फारसे उन्दै समनिफ्रायनो ड॰ हिमन्त बिश्व शर्माआ मोनसे जर'खा सुबुंथिया थाखोमानानै दडमोन। समाजआव साफ्रोमबो आलादा–आलादायै सुबुंथिनि बिगोमा जादों। जोनोमारि महरआव माखासे फरायसाफोरा रेंगौथि गोहोमथिखौ लोगोसे लानानै फैयो। भारतबर्षआ उदांस्त्रि मोन्नायनि उनाव मोनद' सोलोंथाइ खांथिखौ बा। हायबोखांनाय। आथिखालाव सोलोंथाइनि गुबै थांखिया साखि मोन्नायनि फारसे जानानै दड। बिमा–बिफाफोरा गाव–गावसोरनि फिसाफोरखौ साखि मोनसे

मोन्नायनि फारसे हास्थायो। सोलोंथाइनि गुबै थांखिया साखि नडा, सुबुंथि सोरंजिनायसो। नसुंसेनि हादत चिनआ आमेरिकाजों मोगा–मोगि बादायलायनो हानाय जाबाय। गुबैयै भारतबर्षनिफ्राय 35 बोसोर उनावसो चीनआव मुलुग सोलोंसालि गायसन्नाय जादोंमोन। मुलुगनि गोजौ थाखोनि सोलोंथाइ फसंथाननि फारिलाइआव भारतबर्षनि जायगाया गं 200 नि फारिलाइआव दड। गुबुन हादतआव भारतआरि फरायसाया बिजिरसंगिरि जाबाय। नाथाय भारतआव जानो हायाखै। रुबुल माउथ मुंनि भारतआरि सुबुडा हाबाड मुलुग सोलोंसालियाव बिजिरसंगिरि जानो हाबाय। आसामनि सोलोंथाइ राहायाव हिंसा दड, हिंसा खालामैया गैया। हेफाजाब दड, बादायलायनाय गैया। आथिखालनि मुगायाव मुलुगआ दरसे गामिबादि जाबाय। फरायसालि–फरायसालिमाआव फरायनायनि थांखिया साखि नडा, गोदान मुगानि सोलोंथाइनि थांखिया जाबाय–माबा मोनसे

सोलोंनाय, माबा मोनसे मावफुनाय। धोन–सम्पति, मथर–गारि लाक्जारिआ जिउ खांनाय नडा। सैमा–मावजि, बोरमा–मोसौआबो मोनसे समाज दड। नाथाय सुबुंफोरनि समाजनि बाश्राया आलादा। आसामआव मेडिकेल कलेजआ गं 19 निफ्राय गं 23 जाबाय। सोलोंथाइ जौगाखांनायनि थाखाय गुदि बिथाया गोखों जानांगोन। नाथाय आसामनि बे 2009 गुदि फरायसालिआव सासे फोरोंगिरिफोरा सामलायनानै फोरोंथाइ होगासिनो दड। मेल जथुमसालिनि बिथानि सायाव सोनारो न'नि अरायथा थाथाइआ। बिफां फांसेनि रोदाया गोखों जायोब्ला गुनायनि मिजिं थाया। सोलोंथाइनि बिथाया लोरबां जायोब्ला दिग गैयै जागोनानो। भारतनि साबसिन्थार गं 20 मेडिकेलनि गंसेबो आसामआव गैया। हौवासानिखुइ हिन्जावसानि बिथिडव थानाय सुबुंथिया जोबाखै। मेडिकेल, इन्जिनियार फरायनो गोसो गैयै फरायसाफोरखौ नारा–नाथायै फरायहोनायाव खहा जादों। सासे फरायसानि गुबै सुबुं जानायनि लोखोनआ जाबाय

गोखों गोसो जानाय गोहो आरो गावखौ फोथायनाय। अब्लासो जोडो दरसे गासैबो समावनो समाजखौ मोनो हागोन होन्नानै बिथाडा गावनि गोलाव बिबुंथियाव मख'दों। सावराय जथुमाव बाहागो लानाय दुलाराय राभा फरायसा आफादनि आफादगिरि ड॰ सुभास राभाआबो बाहायथि आयदानि सायाव गोलाव बिबुंथि लाखिदों। दिनैनि सावराय जथुमाव बिटिआरनि बिसायख'जानाय एमसिएलए हेमन्त कुमार राभा, कातरबारि गोजौसिन गेजेरारि फरायसालिनि गोरायुं रबेन राभा, बरबालिसिहा गेजेर इंराजी फरायसालिनि रबि राभा, दुलाराय राभा फरायसा आफादनि बारग' लेडाइ आफादगिरि दिपांकर राभामोनहाबो हाबाफारियाव बाहागो लाफैदों। बेनि सिगाडवनो तामुलपुर जिल्ला फरायसा आफादनि गाहाइ नेहाथारि राहुल राभाआ सामलायनाय सावराय जथुमाव तामुलपुर बियाबनि एमएलए जलेन दैमारिआ बेखेवनानै होयो।□

भालागुरिआव फतिक-भवेन्द्र नाथ फुटबल बादायलायनाय गमुरा गुड मर्नि स्पर्टस क्लाबआ सेम्पियनसिप आर्जिबाय



भबानिपुर, 9 आगस्ट: सरुपेतानि साखाथि भालागुरिनि फल्लापार गेलेग्रा फोथाराव भालागुरि लायन्स क्लाबनि बान्जायनायाव सोलिबाय थानाय फतिक चन्द्र बरुवा आरो भवेन्द्र नाथ तालुकदार गोसोखांथि फुटबल बादायलायनायाव गमुरा

गुड मर्नि स्पर्टस क्लाबआ सेम्पियनसिप आर्जियो। दिनै खुंनाय फाइनाल गेलेनायाव रौमारि स्पर्टस क्लाबखौ 2-0 गलनि फारागथियाव फेजेन्नानै गमुरा गुड मर्नि स्पर्टस क्लाबआ फाइनालआव देरहानायजों सेम्पियनसिप

आर्जियो। 5 रोजानिखुइबो बांसिन फुटबल अन्सायारिफोरनि नुजाथिफैनायाव आरो मोनसे गोसो बोनाय थासारियाव खुंजानाय फाइनाल गेलेनायखौ जागायजेन्नायावनो सरुपेता जिल्ला परिषद बियाबनि सोद्रोमा अरबिन्द बर्मन आरो

सुंद'सल'

मुखि धनेश्वर बसुमतारि

दिहिरा गामिनि नेसोंनआ सि.आर.पि.एफ. आव साखि मावनाया बोसोरथाम जाबाय। दा बियो गावनि जोनोम जायगाखौ नागारना बेसेबा रिउ–रिउ गोजान उरिष्या हादोदसानि सिट्रकाण्डा होन्नाय दाबसे जायगायाव बोसोरनै जाफैबाय दीउती मावफैनाया। बनिखायनो जोनोम जायगा आरो नखरखौ नायस्रानो गोसो जानायलाय दान्नैनि सुटिनि आरज बिलाइ होनायसै नेसोंना अफिसार इन्सार्सनो। इन्सार्सआबो मानिनायसै।

सानसेखांलि सानथामनि उनाव न'मोनफैनायसै। नेसोंना खामसालिआव जिरायना थानाय बिमा बिफाखौ गुगुरुब खुलुमफैनायसै। बिमा बिफाया खुसि मोन्नानै बोर होनायसै जिउ गोलाव जाशों होन्नानै फिसाखौ। बिदा बिबाजैआबो मा होगोन मा दोनगोन जालायबाबो नेसोंननो। दुगैखां जाहोखांनायनि उनाव बिनानाव रिनायाबो गंसे रुमाव उन्दुनो लिंलाडो। नेसोंना लाबोफानाय अपेल, आंगु, नारें कमला फोरखौ नखरनि बयबो रान्ना जालायबाय। बिब्दिनो हरसे बारलांबाय। देवालि फुजा एबा

नौजौखौ दुसिनो मोन्नाय नडा दे

हलिआव नखरनि गासैनोबो गोदान सि बायना होयो, फुजा नायनायनि मुडाव रांफोरखौबो रान्ना होयो। नेसोंनआ गावनि सिगां कलेजाव फरायजाबनाय सेंग्रा सिख्लाफोरनोबो मिथाइ जाहोयो, फिल्म नायज्लायो फु जायाव। गोबां मोजां सिख्लाफोरजों फुजायाव लोगो मोनज्लायना बनि गोसोआ अराय सम अनजालि सिख्लाफोरजोंल' बेरायथिंग्रा जालाडो। बियो गावनि नखरनि सुबुंफोरखौबो बावगारलालायो। बिब्दिनो रंजालि बैसागु बोथोरखौबो बरायहरो नेसोंनआ। बे गोदान बोथोराव नेसोंनआ गोदान मिजिंनि गाबजों एबा आबिर सारफावनायजों संसारखौ नुदों। बिफां–लायफां, दावसेन–दावलाफ्राबो, ना खुरसाफ्राबो जुलिलायै लायै समाय होदों मिथिंगा राणीखौ। जानांगौ नेसोंनाबों बायदिखौनो सान्दों। सानसेखांलि नेसोंनआ गावनि बिमाइ मोननि गामियाव आलासि जाहैयो बैसाग बोथोरावनो। बेसेबा

गोबावजों दिनैसो फैनाय दसेनि आलासिखौ जायबाबो जौ, दाव, अमा बेदर बुथारालायना जाहोदों लोंहोदों बिमाइ मोनहाबो। जौनि मदिरायाव गोर्लैनै नेसोंना जेबो सानस'नो हायासै गाव बुंफलांनाय फंसे बाश्राखौ। बिमाइनि फिसाज्लानि हिनजावखौ बिबाजै जानायलाय इसे एदावहरनायसै नेसोंना। ओइ बाजै–बाजै–आंनि जीउखौ दैदेन्नो, नखर सालायनो सासे आगै दोरखार जाबायलै बाजै। नोंसोर लागोनिफ्राय सासे महर गोसा सिख्ला नायना हरदोब्रा बाजै। बिबाजैफ्रा बिब्दियावबा एक्सपार्टखा। बियो मिनिनानै फिन सोंफिनो–नोंनोलाय गुफुरना, गोसोमना, सोमज्रोयै नायनो मोजां सिख्ला नांगौ? ओइ बाजै, नोंसोर गामिआव खन्थायश्री मुंनि सिख्ला दंनो? माने नुनायावबो समायना, आखल आखुआवबो जेना। बिखौनो सोंनो थिनहरदोलै बाजै आइ आफामोनखौ। र' एसे सान्ना नायग्रो नों आगै नोंनि बैसोआबो हाबा लानो हाथाव सम जायाखै। फासैथिं

नोंनि सुटिआबोथ' नैजिबा सानल'सै। उनाव जोंखौ दुसिनो मोन्नाय नडा दे आगै।

सानसेखालि नेसोंना गामियाव लोगोफोरजों जौ लोंना एन्जयमेन्ट खालामदों। बियो लोगोफोरखौबो बुडो–ओइ अनजालु, अनिल, नोंसोरबो नामावसो सेंग्रा आंनो आगै सासेखौनो लाबोना होफैनो हाया। नोंसोरबा हले हिनजाव मोन्नो रोडै गोजासो दे। लोगोफ्रा लाजिहां रागाजोंहां जालायो होद नोंनो लोग्रोदोब्रा नोंस्रा साखि दं बाखि दं, जोंहालाय मा दंखाय? जौ फेना नआव बाज्रेत बाश्रेद हाबफैयो आरो बखिलाबायो। आं नायनो थिन्नाय हिनजावखौ गाबोन लायथारदोलै नोंसोर मा बुजियालै। बिमा बिफाया अरायबो फिसानि मोजांखौ हास्थायखायो। अखानायै नेसोंन बिमाइ मोनखौ लानानै खन्थायश्रीखौ हाबानि खालार थिग खालामहैयो बिमा बिफा मोना। बिब्दिनो सानसे बैसागनि जिसे खालारखालि नेसोंन आरो खन्थायश्रीजों गाजा जोमजायै हाबा जाना थाडो। नाथाय हाबा खालामनानैबो नेसोंना जेबो सुखु मोनाखिसै। मानोना बनि सुटिआ आरो सानबाल'सैमोन। खन्थायश्रीआबो जानो हागौ बि थानोंसै समाव बेसेबा गोथार

मोजां मोन्नाय आरो अनज्लायनायखौ गोसोखांना मेगन थायनैनिफ्राय बे बुहुम बिखायाव मोदैनि बाना बोहै लांदोंमोन। हिनजाव मोनहानि नआवबो बिदाय हैबाय बिहाव बिखुनजोमोनखौ। बिब्दिनो मे दाननि बा खालाराव गावनि पष्टआव हाजिर जाहैबाय नेसोंनआ गाबै–गाबै माब्लाबानो उरिष्या हादोदसा मोनहैबाय। बिब्दिनो नेसोंनआ बेवहाय बारा गोबाव थाबाय थानो मोजां मोनला। सान्नै सानथामखौनो दानसे गाहाम दिन थानाय बायदि मोन्नायसै बियो। गावहा नख'राव फन गैया गैयैनि थाखाय इसे असुबदा जायो खबर हरनो। थेवब्लाबो गामिआवनो नेसोंनआ फन हरो गावनिनो असो बिब' बिगुमै मोन्नाव। बिब' मोन्नाव सोंहरसै फनजों–आंनि हिनजावआ मोजाडै दंनो गैया आब'? बिखौ लिंला लाबोनानै रायज्लायो नेसोंना खन्थायश्री नों बारा खस्त' खामानिखौ

मावनाडा दे, आं थासान्दिआव नखरा आंखौ जेबो बुंनो हाया। बारा बाहेरावबो दा बेराय आं नोंखौ नुनो मोनब्लासो गोजोनसै खन्थायश्री नै आं जुननि नैजि खालाराव नआव थांसिगोन। नआव खिन्था। दे बिदिब्ला दिनै एंगारथ'बाय होन्ना दोन्नायसै फनजों रायज्लायनायखौ। बिब्दिनो दानसे हगारहरबाय गावनि दिउतीआव। नाथाय बनि गोसोआ नखरखौ सानै सानै गोसोनि बेरामजों गाग्लोबजानायसै। जेबो खामानिखौनो मोजाडै मावफुंनो हाला बियो रागाजों सिलाइफोरखौ गावगारला बायो नाडा–फाडा खामानिआव। जायनि थाखाय कामाण्डारफोरजों नालिसनि अनजिमा गैयै साजा सहायनाडो नेसोंना। बिजों मावजाबनाय लोगोफ्राबो गोमोहाबनो गोनां जायो आरो बिखौ बुजायनानै नआव थानो

थिनहरनायसै। सानसे नेसोंनखौ लोगो सासेआ नआव दोनफैना थाडो। बे बाराव फैनाय नेसोंना सिगांनि नेसोंन नंलामोन। मानोना बियो गावखौनो मुगैग्रा जाबाय आं मानो हाबा जाखो? आंनि गेदेर बैसोनि गोबां सेंग्रा लोगोफ्रानो दाबो हाबा लायाखै। सान्नाया इसेबो थिर गैया बिहा मोनसेनि उनाव मोनसे फैबाय थायो। सासे हिनजावनि थाखै इसेबां खस्त' सहायनांगौ दड। एसेबां गोथार मोजां मोनज्लायना संसार जानो सान्नाया जेबो थांखि गैयै निरासा बायदि जालाडो खन्थाइश्रीआबो। थेवबो नखरनि अन्नायाव थुलुंगायाव थांना थादों। नेसोंनखौ गोबां डाक्टर अजाजों नायहोदों मोदाइ दावदायनि साया नांदों सान्ना नाथाय रावबो डाक्टर अजाया गोसो बेरामनि जेबो मुलि गैया होन्ना बुंहरो। नेसोंना दा बावगारलानोल'

सरुपेता गामि पन्सायतनि आफादगिरि सुरजित तालुकदारमोनहा बेखेवना होयो। फुटबल गेलेनाय सामलाय आफादनि आफादगिरि रानुजित दास आरो मावफुं आफादगिरि जयन्त कुमार नाथमोनहा सामलायनाय बेखेवनाय हाबाफारियाव जर'खा समाज सिबियारि नागेस कुमार बेस्य, ट्रपि दान होग्रा किशार बरुवा, आजिरा मोन्नाय गुन गोनां फोरेंगिरि, धिरेन्द्र नाथ बर्मन, दमबुधर नाथ सरुपेतानि शिक्षा दा, गुरुकुलनि रेक्टर धनन्जय तालुकदार, गुन गोनां फोरेंगिरि कुलेन मेथिमोनजों लोगोसे माखासे जर'खा सुबुंफोरा आलासि महरै बाहागो लाफेदों। गेलेनायनि उनाव देरहानाय हान्जा आरो रनार्स आफ हान्जानो बान्थाखौ गथायनाय जायो।□

सानसै गावनि बिसि खन्थाइश्रीखौ। एसेबां अनसुलिब्लाबो नों आंनि जानो हाया होन्ना सानो नेसोंना। जानो हागौ उन्दै बैसोआव हाबा जायोब्ला गुवार संसारखौ गास'नो हाया जायो बायदिसिना गात्रि रिपु (Tension) जों गोसोखौ गुन सुनाय बायदि खालामो। लोगोफोराबो गोबां बुजायो। थेवबो रावबो बनि गोसोखौ बुजायफिन्नो हायाखिसै। लोगोफोरखौ बियो खैखासो बुंलाबायो। नोंसोर आंनि जिउखौ सेस खालामबायलै हिनजाव लाबोना होफैनानै। नोंसोरनो लाहैदोलै आंनि हिनजावखौ आंजों समायथारलै लोगो आंनि खुर्बो बैसोआबो इसे देरसिन जागोन आरो गोसोमथार। नेसोंना गावखौनो समायना सान्ना लायो मानोना बियो गुफुर मद'द जांगिला सासे सि.आर.पि.एफ. जवान। बनि उनाव मा जाहैखो आं जेबो गुमुर लानो गारनायसै।□

उदालगुरियाव भारत उदांस्त्रि दावहारु मुंख्लं मेजर दुर्गा मल्ल गोसोखां जोलुर बादायलायनाया जागायबाय

उदालगुरि, 10 आगस्ट: बेजों लोगोसेनो दख 'रा दुलाराय आसाम गर्खा फरयस आफाद सुंदयै आगसु खावरां दख 'रा गौथुमनि बान्जायनायाव आरो खावरॉनि थागिबि राइजो-राजाफोरनि हेफाजाबआव थांनाय 11 बोसोरनिफ्रायनो सोलिबोबाय थानाय मुंख्लं मेजर दुर्गा मल्ल गोसोखां जोलुर बादायलायनाया बे खेबआव 10 आगस्टनिफ्राय जागायजेनो। 10 आगस्ट फु'नि 11:00 रिंगायाव आगसु खावरां दख 'रा आफा'दनि आफा'दगिरि रिसिकेस पौदेल आरो गेलेनाय सामलायगिरि आफा'दनि आफा'दगिरि निरमल सिर्पलिआ जुथायै फिरफिला बिरहोयो।

(□ 1 बिलाइनिफ्राय)

बर'माहारिनि जेंनाफोरखौ सुस्त्रांनायनि थांखिजों इउपिपिएल राजखान्थि हान्जाया मोन 16 आफादफोरजों सावरायज्जायदों

एल. टि. अन्साइ क'-अपोरेटिभ ससाइथि लिमिटेड आरो बारग' एन. डि. एफ. बि. वेलफेयार एस'सियेसननि जथाय बानजायनायाव बर'नि मोन 16 आफादफोरखौ लानानै थांनाय 13 जुलाइ, 2025 आरो 3 आगस्ट, 2025 ई खालाराव गुबुन गुबुन थावनिफोराव जर'खा सावराय जथुम लिथुमनाय जादोंमोन। बै सावराय जथुमावनो थांखि लानाय बादिनो बि. टि. आरनि मोननै मैखोम राजखान्थि हान्जा इउपिपिएल आरो बिपिएफ राजखान्थि हान्जाखौ खौसे जानांगौनि थाखाय खावलायनायजों लोगोसे थांनाय 5 आगस्ट, 2025 खालाराव लाइजामबो हरनाय जादोंमोन। बै लाइजामखौ बिथा खालामनानैनो दिनै इउपिपिएल राजखान्थि हान्जाया बर'नि मोन 16 आफादफोरजों हाउलियाव थानाय बड'लेण्ड गेस्ट हाउसआव सावरायफैयो। दुलाराय बर' फरायसा आफा'दनि मानगोनां लोगो आफा'दगिरि खोरोमदाव औवारीआ मासि लानानै दैदेन्नाय दिनैनै सावराय मेलआव आबोफ, बारग' भलुन्टियार फर्स, बि. टि. आर. प्रिन्विपाल एस'सियेसन, बड' डिपार्टमेन्ट टिचार्स एस'सियेसन, खौसेथि बर' सुबुं आफाद, दुलाराय बर' हारिसु आफाद, बर' बिमा गौथुम, बि. पि. सि. सि, अल बड' फ्राइमरि टिचार्स एस'सियेसन, आसाम, बड' चिने आर्टिस्ट एस'सियेसन, दुलाराय बर' समाज, अल आसाम ट्राइबेल संघ, अल बि. टि. आर. ट्राइबेल संघ क'-अर्डिनेसन कमिटिनि दैदेनगिरिफोरा मैखोमै बाहागो लानानै इउपिपिएल राजखान्थि हान्जानि दैदेनगिरिफोरजों गोथौवै आरो गुवारै सावरायलायनायजों हाबाफारिया मोजाडेनो जाफुंसरै जोबलाडो।□

सोलोंथाइनि अनगायै मोनसे हारिनि जौगाखांनाया जानो हाथावना नडा: पियुष हाज 'रिका

आरो फोजौखां बिफाननि मन्थ्रि पियुष हाज 'रिकाया बाहागो लायो। माहारिनि जौगाखांनायनि थाखाय थोजासे सांग्राडै खामानि मावबोबाय थानाय दुलाराय आसाम सुत्रधर फरयसा आफाद आरो बिटिआर सुत्रधर फरायसा आफा'दनि बान्जायनायाव एबा चिरां जिल्ला सुत्रधर फरायसा आफा'दनि हेफाजाबआव बिजनीआव खुंफुंनाय हाबाफारियाव बाहागो लानानै मन्थ्रि हाज 'रिकाआ आफा'दखौ माहारिनि सोलोंथाइयारि बिथिडव गोनांथि होनो खावलायो। मन्थ्रिआ मख'नाय बायदिब्ला माहारिनि फरायसा-फरायसुलिफोरा बादायलु आन्जाद आरो मेडिकेल, इन्जिनियारि बायदि बिथिडव जाहाते जाफुंसारनो हायो बेनि थाखाय जर'खायै फोरोंथाइ हाबाफारि खुंफुंनाय बायदि नांगौ जानाय रहा आजावनाया गोनांथार होन्ना फोरमायदों। बेजों लोगोसेनो मन्थ्रि हाज 'रिकाआ बोसोन होबावदोंदि, आफादआ बोसोरफ्रोमबो जोंगा-मागा जथुम्मा मेल मिथिं खुंफुंनायनि सोलायै बे रॉनि माखासे बाहागोखौ माहारिनि फरायसा-फरायसुलिफोरनि थाखाय फोरोंथाइ बाद, कचिं आरो बादायलु आन्जादनि नांगौ जानाय साखा-फाराथिनि थाखाय सांग्रां खालामनाया बांसिन फिथाइ गोनां जागोन होन्ना फोरमायो। फाहामथाइ सोलोंथाइआव अनुसुसित हारिनि थाखाय थानाय मासि सरेखाथि रहानि गासै खाबुखौ सुत्रधरफोराबो आजावनो हानांगौ होन्नानै मख'नानै माहारिनि गनायथाव फरायसाफोरखौ आफा'दनि गेजेरजों रांखान्थि अन्सुंथाइ होनाय रहा आजावनो थाखाय खावलायो। सोलोंथाइनि हेफाजाबआवसो मोनसे हारि माहारिनि जौगाखांनायनि जाफुंसारनाया मोगथां महर मोनो होन्ना फोरमायनानै मन्थ्रि हाज 'रिकाआ सोलोंथाइ बिथिडव बयखौबो गोनांथि होनो खावलायो। बेजों लोगोसेनो माहारिनि थाखाय जौगाखां खोन्दो दाफुंनायनि सोमोन्दै गिबि मन्थ्रिनि दैदेन्नायाव सावरायगासिनो दं होन्ना मख'यो आरो फैबाय थानाय समाव माहारिनि जौगाखांनायनि थाखाय सरकारनिफ्राय थोजासे नाजादों होन्ना खोथा होयो। बबेबा मोनसे थागिबि हारिखौ बे सरकारनि समाव होखारनाय जानाय नडा। दिनैनै बे मेलआव मन्थ्रि हाज 'रिकाजों लोगोसे जामुं, राइज्योयारि रान्सार आरो मुल्माफा नायबिजरसं बिफाननि मन्थ्रि कौशिक राय, एमएलए अजय कुमार राय, कमतापुर गाव खुंथाइ परिषदनि गाहाइ मावफुं सोद्रोमा जिबेस रय, बिटिआरनि मावफुं सोद्रोमा अरुप कुमार दे, दुलाराय आसाम सुत्रधर फरायसा आफा'दनि आफा'दगिरि लक्षिमकान्त सुत्रधरजों लोगोसे गोबां अन्जिमानि गुनि गियानि सुबुंफोरानो बाहागो लायो।□

फैगौ बिटिसि बिसायख 'थिखौ नोजोर होनानै सावथाल फरायसा आफा'दनि खौरांगिरि मेल

इउपिपिएल दोलोनो बायदि रोखोमनि हेफाजाब होनानै सरकार दानायाव हेफाजाब होदोंमोन। नाथाय मिर्जिंथिनाय बायदियै बे दोलोनिफ्रायबो हारिखौ जौगाखांहोनायनि बिथिडव जर'खा हेफाजाब होनायखौ नुनो मोनाखिसै। गुबुन फारसे फैगौ बिटिसि बिसायख'थिनि थाखाय आथिखालाव हाग्रामा महिलारि दैदेन्नाय बिपिएफ दोलोआ जाय दर 22 बियाबआव बिजाथि फोसावदोंमोन, बिसोर बिजाथिनि फारिलाइआव सासेबो सावथाल हारिनि मुं थायैयाव सावथाल फरायसा आफा'दआ खौरां मेलआव दुखु फोरमायदों। सावथाल फरायसा आफा'दनि मावफुं आफा'दगिरि बिमल कुमार हेमब्रमआ खौरांगिरि मेल खुंनानै मख'दोंदि, आद्रा थानाय बियाबफोराव सावथाल हारिनिफ्राय बिजाथि महरै थिसन्नायनि बिथिडव सावरायलायनो खावलायो। बेनि अनगायै बिपिएफ दोलोखौ आबुडै बयकट खालामगोन होन्नानैबो खौरांगिरि मेलआव हुमखि होयो। खौरांगिरि मेलआव आथिखालाव खुंथाइआव थानाय इउपिपिएल दोलोखौबो देरहानायनि मिर्जिंथि थानाय बियाबआव सावथाल हारिनि बिजाथिखौ गोनांथि होन्ना खावलायो। मख'नो गोनांदि, बिपिएफ आरो इउपिपिएल दोलोआ बर' हारियारिखौ मिरु खालामदों। जायनि थाखाय सावथाल हारिनि जौगाखांनायजों लोगोसे बिजाथि फसंनायनि बिथिडव गोसो जायै फोरमायोब्ला मोननैबो दोलोखौनो नेवसिगारनानै गुबुन राहाखौ सानखांनो गोनांथि जागोन होन्नानैबो बिथाड हुमखि होयो। मख'नो गोनांदि, श्रीरामपुर, नाग्रिजुलि आरो गुमा बियाबआव सावथाल हारियारिनि थान्दैनो बिजाथि होयोब्ला देरहानाया रोखा होन्ना खौरांगिरि मेलआव मख'दों। बासुगाव प्रेस क्लाबआव खुंनाय खौरांगिरि मेलआव दुलाराय सावथाल फरायसा आफा'दनि मावफुं आफा'दगिरिनि अनगायैबो लेडइ आफा'दगिरि दुर्गा सरेन, राजेस तुदु, नेहाथारि सुरिनि मारिं, इसमेइड हेमब्रम, आफा'दगिरि नेहाथारि लक्षीराम सरेन मोनहाबो बाहागो लाफेंदों।□



गोहो गोरा दोलोफोर खावरां इउनाइटेड एफसि आरो 3 नं आमजुलि एफसिनि गेजेराव खुंफुं जायो। गेलेनाय जागायजेन्नायनि 25 मिनिटआव 3 नं आमजुलि एफसिनि सनु बर'आ खावरां एउनाइटेड एफसिखौ गरसे जोसन्नो हायो। गेलेनायनि 2थि

समाव 4 मिनिटआवनो खावरां इउनाइटेड एफसिनि गेलेगिरि हेमन्तआ 3 नम्बर आमजुलि एफसिखौ गरसे जोसन्नानै गेलेनायनि जोबजासिम समान समान जानायाव रेफारिआ पेनाल्टिनि हेफाजाब लानानै खावरां इउनाइटेड एफसिआ 3 नं आमजुलि एफसिखौ 4-2 गलनि फारागथियाव फेजेननो हायो। उदालगुरि जिल्ला गेलेमु गौथुमनि रेफारि भातु थुदु, मनजित बसुमतारि, पिलिफ बसुमतारि, वास्टन माराक आरो सत्र बाहादुर चेत्रिआ मोजाडै मोजां गेलेनायखौ सामलायलाडो। समबाराव मोन्नै गोहो गोरा हान्जा

भैरबखुन्ड एफसिनि हेंथायै सनापुर गेरेंसि एफसिनि गेजेराव बेलासिनि 3:00 रिंगा जानाय लोगो लोगो मनपुल गेवलां गेलेग्रा फोथाराव 2थि गेलेनाया खुंफुं जागोन होन्ना गेलेनाय सामलायगिरि आफा'दनि गेलेमु नेहाथारि रसेस मगर आरो दुर्गा बाहादुर चेत्रिआ फोरमायो। गेलेनायनि जोबथा बादायलायनायखौ 25 आगस्टआव मुंख्लं मेजर दुर्गा मल्लनि जिउ दान होनाय सानजों लोब्बा लाखिनायजों खुंफुंनाय जागोन होन्ना आगसु खावरां दख 'रा गौथुमनि आफा'दगिरि रिसिकेस पौदेलआ फोरमायदों।□

(□ 1 बिलाइनिफ्राय)

बाउखुंग्रि बियाबआव गियान सोरां बिथांखिनि गेजेरजों फरायसाफोरनो अन्सुंथाइ गथायदों

मावखुलियाव दिनै मोनसे हाबाफारि खुंनायनि गेजेरजों फरायसुला-फरायसुलिफोरनो रांखान्थि अन्सुंथाइनि चेक बिलाइखौ गथायनानै होयो। बाउखुंग्रि बि टि सि बियाबनि टिसिएलसिसिनि मासिगिरि सन्जाय नाजॉरिनि मासि लानानै दैदेन्नाय दिनैनै बे चेक बिलाइ गथायनाय हाबाफारियाव गाहाइ आलासि महरै बाहागो लानानै फरायसुला-फरयसुलिफोरनो गियान सोरां बिथांखिनि रांखान्थि अन्सुंथाइनि चेक बिलाइखौ गथायनानै होयो। टिसिएलसिसिनि मासिगिरि सन्जाय नाजॉरिजों लोगोसे इउ पि पि एल दोलोनि गोबां दैदेनगिरिफोराबो हाबाफारियाव बाहागो लानानै रांखान्थि अन्सुंथाइखौ फरायसाफोरनो गथायनानै होयो।□

हाग्रामाया जाबाय मोनै सालाइ गोनां मासे जिबौ: रन्जित बसुमतारि

खाथिसिन सफैगासिनो दड'एसेबानो गरजखान्थियायि दोलो आफाद फसंथानफोरनि गेजेराव गोदान सोद्रोमाफोरखौ दोलोआव सोसन्नाय हाबाफारिआ बांगासिनो दड। थांनाय 2005 माइथायनि गिबि बिटिसि बिसायख'थिनिफ्राय बिपिएफनि दखलआव थानाय कक्राझार जिल्लानि बेंखनआव थानाय बाउखुंग्रि बियाबआव बे समाव सान हर दोलोआव हाबनाय हाबाफारिया सोलिगासिनो दड। बे समाव इउपिपिएल दोलोआ बाउखुंग्रि बियाबखौ गावसोरनि दखलआव लाबोनो थाखाय नारा नाथा नाजागासिनो दड। इउपिपिएल दोलोआ बिजाथिनि फारिलाइ फोसावाखेब्लाबो मिथिनो मोन्नाय बायदिब्ला खाम्फा बरायगारीनो गावनि बियाबखौ हगारना गारबोनानै इउपिपिएल दोलोनि सोद्रोमा एबा बिटिसिनि मावफुं सोद्रोमा रन्जित बसुमतारिआ बाउखुंग्रि बियाबनिफ्राय बिसायख'थियायि बादायलायनायाव बाहागो लानो साखा फारा जाबाय थानायल'नडा बियाबनि थागिबिफोरखौ गोसो गेलेमहोनो नारा नाथा नाजागासिनो दड। बेनिखायनो बाउखउंग्रि बियाबआव मैया मोनायाव इउपिपिएलनि जानो हाथावगौ बिजाथि रन्जित बसुमतारिनि नुजाथिनायाव जयपुर प्राइमरि बिपिएफनि आफा'दगिरि मालेक आलिजों लोगोसे बिपिएफनि गुबुन गुबुन बिबानगिरिफोराबो इउपिपिएल दोलोआव हाबो। बे दोलोआव हाबनाय हाबाफारिनि उनाव कक्राझारनि खौरां बिजॉनि सिगाडव मावफुं सोद्रोमाया बेबायदिनो बिबुंथि लाखिदों। हाग्रामा महिलारिआ नख'रसेनि गेजेरावनो सेरखाय-बेरखाय, हेंथा हेंसि सोमजिहोनो गोरां सासे सुबुं होन्ना रन्जित बसुमतारिआ बिबुंथि लाखिदों। गोजोन खौसेथिनि सार्थआव इउपिपिएलआ खौसे जानो गोसो दडनाथाइ हाग्रामा महिलारिआ गोसो गैया होन्ना फोरमायनानै खौसेथि आरो गोजोन सान्थिनि थाखाय इउपिपिएलजों लोगो जानो लुबैदोंमोनब्ला बिसायख'थिनि सान फोसावैनि सिगांनो बियो सा 22 बिजाथिफोरनि मुंखौ फोसावनाय नडमोन। बेनिफ्रायनो रोखा फोरमान जायोंदि, हाग्रामाया खुगाजों गुबुन मोनसे बाश्रा बुडो आरो उदैयाव माबा मोनसे बाश्राखौ लाखिखुमायो। खौरां बिजॉनि सिगाडव मावफुं सोद्रोमाया खम समनि गेजेरावनो बाउखुंग्रि बियाबआव 50 निफ्रायबो बांसिन सुबुंफोरा इउपिपिएल दोलोआव हाबगोन होन्ना दाबि दिखानानै बिटिसियाव गोजोन लाबोनो हाग्रा मोनसेल' दोलोआनो जाबाय प्रमद बर' दैदेन्नाय इउपिपिएल दोलो होन्ना फोरमायो। जायनि थाखाय बिटिसियाव राइज्यो जाबोनाय मोन 26 माहारिफोरनि गासैबो इउपिपिएलआव हाबनो आंखारबोगासिनो दं। मावफुं सोद्रोमाया बिटिसिनि गासै मोन 40 बियाबआवनो इउपिपिएल दोलोआ देरहानो हाथाव थासारियाव फैखाबाय होन्ना दाबि दिखाडो।□

बिटिआरआव सरकार दाफुंनाय बिथिडव बिजेपिआ बयनिखुइबो गोहो गोरसिन बिफाव लागोन: गिबि मन्थ्रि

गोरसिन बिफाव लागोन। बिटिआरनि मोन्थाम गाहाइ राजखान्थि हान्जाफोरजोंनो बिजेपिआ गाहाम सोमोन्दो दंब्लाबो नाथाइ बिसायख'थिखौ हारिसडैनो गेलेगोन होन्ना गिबि मन्थ्रिआ फोरमायदों। गासैबो राजखान्थि हान्जाफोरानो बिटिआरनि बिसायख'थियाव बाहागो लानायखौ हास्थायो होन्ना फोरमायनानै गिबि मन्थ्रिआ गुबुन थावनिफोरनि बायदि जाहाथे बिटिआरनि सुबुंफोराबो राजखान्थिखौ हमदांनो हायो होन्ना फोरमायो। गुबुन फारसेथि बिटिआरआव भिसिडिसि थानाय नडा होन्ना फोरमायनानै गिबि मन्थ्रिआ मिथिहोदोंदि, भिसिडिसि थागोनब्लाबो बेवहाय पन्सायतनि बिसायख'थि खुंफुंनाय बायदि भिसिडिसिनि मासिगिरिखौबो बिसायख'थिनि गेजेरजोंसो सायख'नांगौ। गिबि मन्थ्रिनियाव हानि ट्रेपिनि सोमोन्दै खौरांगिरिफोरा सोंथि सॉनायनि फिन्नायाव गिबि मन्थ्रिआ फोरमायदोंदि, आं गावनि बिबानखौसो मावफुंगासिनो दड। जायफोर जैरैबायदि थुनज्लायगासिनो दड बिसोर आंखौ जेबो खालामनो हाया। बेफोर बायदिया जॉनि हारिसु नडा। बेनिखायनो बेनि सोमोन्दै सॉनो नाडा होन्ना गिबि मन्थ्रिआ फोरमायदों। बाक्सा जिल्लानि ए-बि-सि ब्लकनि हानि जेंना सुस्त्रांनाय आयदाखौ गिबि मन्थ्रिआ फोरमायबावदों। श्रिंकल सलिहाआ बिजेपिनि एजेन्ट होन्ना अकिल गगैआ अजद दिखानायखौ गिबि मन्थ्रिआ फोरमायदोंदि, गावहा बेफोरखौ खर' सानांगौ जेबो गैया होन्ना। सोरखौ होखारस्त्रांनांगौ बेखौसो आसाम सरकारआ नायगासिनो दड। बिटिआरआव होखारस्त्रांनायनि सोमोन्दै बाश्रा बुंनायनि थासारि बे समाव गैया होन्ना गिबि मन्थ्रिआ फोरमायदों। गिबि मन्थ्रिआ फोरमायबावनाय बायदिब्ला बिटिआरआव मोनसे मख'जाथाव धोरोमारि सुबुंफोरनि अन्जिमया सानफा एफा बांलांगासिनो दड। बेनिखायनो बड'लेण्डनि बिदा फबायफोरा एसेबां सान जुजिबोबायब्ला बे बिथिंजोंबो जुजिनो साखा-फारा जानांगोन होन्ना गिबि मन्थ्रिआ मिथिहोबावदों। थागिबिफोरनि आखायाव सिलाइ होनायनि सोमोन्दै गिबि मन्थ्रिआ फोरमायदोंदि, सिलाइखौ जॉनो नांथारगौ, सिलाइ नडाब्ला खोला सालमारा, मानकासारफोरनि थागिबि सुबुंफोरा माबोरै थानो हागोन होन्ना गिबि मन्थ्रिआ फोरमायदों।□

बर'फोरा जुजिनायनि गेजेरजोंसो थांनानै दडः प्रमद बर'

सोद्रोमाया बेखेवनानै होयो। बनि उनावनो मुंख्लंफोरनो मान बाउनानै 1 मिनिट सम आर'ज गाबो। खौरांगिरिफोरनि सिगाडव बिटिसिनि गाहाइ मावफुं सोद्रोमाया फोरमायनाय बायदिब्ला बर' थुनलाइ आफा'दनि दैदेन्नायाव बै समाव जालांनाय सोमावसारनायाव बे ओन्सोलनि सानै लाइमोन आमला आरो सिबआ मुंख्लं जानांदोंमोन। दिनै गोबां बोसोरनि उनाव रवनि थाखाय सोमावसारनानै मुंख्लं जालांनाय सानै मुंख्लंनि मुसुखाखौ बेखेवनो मोन्नानै जोबोद गोजोन्नाय मोन्दों। गाहाइ मावफुं सोद्रोमाया फोरमायबावनाय बायब्ला उदांसिनि उनाव जारिमिनखौ नायहरोबाल नुनो मोनोदि, बर'फोरा जुजिनायनि गेजेरजोंसो थांनानै दड। बर'फोरा गावनि रवनि थाखायनो जुजिनांनानै गावनि हारिमुखौ रैखा खालामबोदों। जुजिनायनि गेजेरजोंसो बर'फोरा गावसोरनि सिनायथिखौ फोथानानै लाखिदों होन्ना मख'बावदों। बिपिएफ-इउपिपिएल लोगो जानाय खौरांनि सोमोन्दो खौरांगिरिफोरनि सोंथि सॉनायनि फिन्नायाव गाहाइ मावफुं सोद्रोमाया फोरमायनाय बायदिब्ला राजखान्थिनि लोगो जानाया सानै लोगोफोरा थांखु नानै नों इसे जा आंबो इसे जानोसै बेबायदि नडा। आंथिखालआव आरो इयुनआव समाज दाफुंनायनि बाश्रा दड। नों आरो आं गोरोबलायब्लानो गासै समाजआनो थिग जायोब्लाथ' जेबो बाश्रायानो गैया। 35 लाख सरनस्त्रा सुबुंफोरनि इयुनखौ लानानै सानखांनो हानांगोन। हाग्रामा महिलारिनि सोमोन्दै प्रमद बर'आ गावनि बिबुंथियाव फोरमायनाय बायदिब्ला आंनि खाफालखौ लानानै बाश्रा बुंनो बियो सोर? हाग्राम महिलारिआनो सोरबिथिंनि गासैबोब्ला 35 लाख सरासन्त्रा सुबुंफोरा बबाव दं होन्ना प्रमद बर'आ सोंथि दिखाडो। बिटिआरआव होखारस्त्रांनायनि सोमोन्दै जों दानो जेबो बुंथ'नो हाया। उननि बाश्राया उनावसो जागोन। सरकार बानायनायनि उनाव जैरैबायदि थांखि लागोन बेखौ दानो बुंथ'नो हाया। जों बड'लेण्डआव फिन हारि माहारिफोरनि गेजेराव जुजिलायनानै गात्रि थासारि सोमजिहोनो सानाखै। जों गोजोन खौसेथि, रैखाथि, गोरोबलायनाय बेखौसो नोजोर होनानै खामानि मावलांगोन। फैबाय थानाय समफोराव गुबुन-गुबुन हारि माहारिफोरखौ लोगोसे लाफनानै खौसेयै दावगालांनो जों नाजानो रेंनांगोन। बिटिआरआव भिसिडिसिया थाबाय थागोन, बेखौ जों खोमानो हाया। भिसिडिसियाव बिसायख'थि खुंफुंनाो हायो नाथाइ बिसायख'थिनि थाखाय संबिजिदखौ फोसाबनांगोन। आं सुबुंखान्थियायि सासे सुबुं। बिसायख'थिनि भट सान्नायनि सिगां आं मोनबेसे मासि मोनगोन बेखौ बुंनो हाया। नाथाइ बिटिआरआव जॉनि थासारिया मोजां। राइजो-राजाफोरनि अन्नाइआ जॉजों दड। अन्नाइ होब्लासो अन्नाइ मोनो। जों नोगोरारिफोरनिफ्राय अन्नाइ मोनगासिनो दड। बेनिखायनो जों बिटिआरआव 40 था बियाबआव मोन 40 खेब मिथिं खुंफुंनाो हादों। दिनैनै मुसुखा बेखेवनाय हाबाफारियाव बिटिसिनि गाहाइ मावफुं सोद्रोमाजों लोगोसे बर' थुनलाइ आफा'दनि गाहाइ नेहाथारि निलकान्त गयारी, दुलाराय बर' फरायसा आफा'दनि लोगो आफा'दगिरि उमेस दैमारि, एमसिएलए जय मसाहारि, टिसिएलसिसिनि मासिगिरि बिनद मुसाहारियाबो बाहागो लायो। गुबुन फारसेथि दिनै बिटिसिनि गाहाइ मावफुं सोद्रोमाया हावलिनि बेनिबारि, आनान्द बाजार खोला बिजनी कलेज, सनापुलि जनता एमइ स्कुल, बासबारि बाजार, सालबारि फरायसालमाजों लोगोसे गोबां थावनिफोरावनो जौगालु खामानिनि लाइखुन्थिया गाइसनो।□

सालबारि फरायसालिमायाव रुंसारि साहित्य अकाडेमि बान्था मोन्नाय कातिन्द्र स्वरगियारिखौ गोसोखांदों

रेबगन थान्दै कातिन्द्र स्वरगियारिनि 16 थि गोसोखांथि सान (रुंसारि जानाय)खौ खुंनाय जादों। गुबुन-गुबुन हाबाफारियाव जागायजेन्नायावनो सालबारि फरायसालिमानि फिर्फिलाखौ फरायसालिमानि गोरायुं ड' जगत चन्द्र बसुमतारिआ बिरहोयो। रुंसारि कातिन्द्र स्वरगियारिनि सावगारियाव मान बाउनाय हाबाफारिखौ सालबारि गोजौसिन गेजेरआरि फरायसालिनि गोरायुं कृष्णन बसुमतारिआ। सान्जौफुनिफ्राय बर' थुनलाइ आफा'दनि लेडइ आफा'दगिरि सितारम बसुमतारिनि सामलायनायाव “बर' थुनलाइआव कातिन्द्र स्वरगियारिनि बिहोमा” आयदाफारिखौ लानानै गोसो बोजानाय सावराय जथुम खुंनाय जायो। जागायजेन्नायावनो पद्मश्री आरो साहित्य अकाडेमि बान्था मोन्नाय थुनलाइगिरि आरो गुवाहाटी मुलुग सोलोंसालिनि बिबुंगिरि ड' अनिल चन्द्र बर'आ बेखेवनाय सावराय जथुमाव सालबारि फरायसालिमानि गोरायुं ड' जगत चन्द्र बसुमतारिआ बराय बिबुंथि लाखिदों। सावराय जथुमाव गाहाइ आलासि महरै बिटिआरनि गाहाइ मावफुं सोद्रोमा प्रमद बर'आ बिबुंथि लाखिदों। आयदाफारिनि सायाव थांखिलाय लानायखौ बर' थुनलाइ आफा'दनि मिरु मावफुं सोद्रोमा राजेन्द्र बसुमतारिआ बुंथिना होयो। थांखिनाय आयदानि सायाव फुंखा सुबुं महरै बड'लेण्ड मुलुग सोलोंसालिनि बिबुंगिरि ड' इन्दिरा बर'आ बर' राव थुनलाइनिसिम आरो खौरांगिरिनि बिथिडव कातिन्द्र स्वरगियारिआ बाउसोमलांनाय आरो बिहोमा होनायनि सायाव गुवारै बिबुंथि लाखियो। सावराय जथुमआव बिटिआरनि मावफुं सोद्रोमा धनन्जय बसुमतारि, सालबारि बियाबनि एमसिएलए जय मुसाहारि, टिसिएलसिसिनि मासिगिरि बिनद मुसाहारिमोनहाबो आलासि महरै बाहागो लाफेंदों। मख'नो गोनांदि, रुंसारि साहित्य अकाडेमि बान्था देरहानाय थुनलाइगिरि रेबगन थान्दै कातिन्द्र स्वरगियारिनि गोसोखांथियाव लुफुंजानो गोनां रेबगन थान्दै कातिन्द्र स्वरगियारि गोसोखांथि गथ'सा पार्कखौबो दिनै सालबारिआव हाबाफारि बायदियै बिटिआरनि गाहाइ मावफुं सोद्रोमा प्रमद बर'आ अन्थाइ खाम्फा गायसनो।□

श्रीमन्त शंकरदेव संघ

अक्ट'खौ थि खालामनानै गाहाइ आफा'दनि अनगायैबो गोसोखां लाइसि, जाग्रा आदार, आलासि सिबियारि फोसावदिं, लाइट, गेट, रांखान्थि, बेंकआव एकाउन्ट खुलिनाय, रिसिप्ट सेबखानाय बायदि आयदानि सायाव सावरायलायनानै थांखि आजावनाय जायो। कक्राझार-चिरां जिल्ला दालायनि बासुगावआव थानाय नामघरआव खुंनाय बान्जाय आफा'दनि आफा'दगिरि ठाकुर सिं राय बापनि आफा'दगिरि मासि सामलायनायाव खुंजानाय मेलआव मेलनि थांखि साजावनायखौ तपन कुमार राय बापआ बुंथिना होयो। हाबाफारियाव ओन्सोलनि जर'खा सुबुं, समाज सिबियारि, थुनलाइ सिबियारि अमृत नारायण पाठगिरि, आजिरा मोन्नाय आयदा फोर्गिरि हितरम भराली, कक्राझार-चिरां जिल्ला दालायनि बारग' आफा'दगिरि गागि बैसो जानाय सुबुं मृगेन चन्द्र रायमोनजों लोगोसेनो श्रीमन्त शंकरदेव संघनि बाप-बान्दब, बिमा माहारिफोराबो बाहागो लाफैनानै रुपाथि माइथाय फोर्बोखौ जाफुंसार होनायाव साप्रोमबो हेफाजाब होनो बाश्रा होयो।□

माहाम देहानि राहा

तेजपात बिलाइनि साहा लोडोब्ला देहानि थाखाय माखासे मुलाम्फाखौ मोन्नो हायो

जाग्रा आदारनि स्वादखौ बांहोनो थाखाय तेजपात बिलाइखौ बांसिनै बाहायनाय जायो। बे बिलाइआ गोबां मोदोमो, जाय जाग्रा आदारयाव स्वाद आरो मोदोमनायखौ बांहोयो। नाथाय माखासे सुबुंफोरा मोनथियाबो जानांगोदि जिरा आरो एजवाइन बायदिनो नोंथाडा तेजपात बिलाइनि दैजोंबो गावनि सानफोरखौ जागायनो हायो। बेखौ नोंथाड मोन्नै रोखोमै बाहायनो हायो।

(1) तेजपातनि साहाया नोंथानि बिखानि थाखाय मोजां, बेवहाय पटेसियाम, एन्टिअक्सिडेन्ट आरो आयसन थायो। बेयो बिखानि जेंनाजों लोगोसे ब्लाड प्रेसारखौ बाडाइ खालामनायाव मदत होयो।

(2) तेजपात बिलाइनि सायाव भिटामिन सिखौ मोन्नो हायो। बेयो इमिउनिटि सिस्टेमनि थाखायबो गोबां मोजां आरो बेवहाय एन्टि बेक्टीरियेल गुनबो थायो, जाय इनफेक्सनखौ जानगार खालामो।

(3) तेजपात



बिलाइनि साहायाव दालचिनिनि गुनाबो थाफादेरो, जाय मेटाबलिज्मखौ बांहोयो आरो देहानि लिरथायखौ बाडाइ खालामनायाव मदत होयो। बेनि अनगायै बेयो नोंथानि गुबुन जेंनाखौबो जानगार खालामो।

(4) माखासे सुबुंफोरा केन्सरनि फाहामथाय लानो थाखायबो तेजपात बिलाइनि साहाखौ लोडो। बेनि अनगायै बेनि एन्टि इंफ्लामेन्टरि गुनआ नोंथानि देहाखौ बुखांनायनिफ्राय रैखाथि होयो।

(5) तेजपात बिलाइखौ दोगोनआव सोलायनाय लाबोनायनि थाखायबो मोनथिनाय जायो। बेयो खिगोरा जानायनिफ्रायबो रैखाथि होयो। तेजपात बिलाइनि दै बानायनो थाखाय मोनसे

दो'आव दै लानानै फुदुंनागौ आरो उनाव बेवहाय तेजपात बिलाइखौ खोबना दोन्नांगौ आरो बेखौ गुसु खालामनांगौ। जेब्ला दैआ गोदौयो अब्ला बेखौ ग्लासआव लानानै लोंनांगौ।

तेजपात बिलाइनि साहा बानायनो थाखाय तेजपात बिलाइ, एखे दालसिनि पाउडार, दै, लेबु बिदै आरो बेरेमोदै लानांगौ। उनाव बिलाइखौ सुनानै मोनसे दो आव दै लानानै फुदुंनागौ। उनाव तेजपात बिलाइ आरो दालसिनि पाउडारखौ होनांगौ आरो बेखौ 10 मिनटिसिम गोदौ होनांगौ। बेनि उनाव बेखौ साहा खापआव लुना लोंनांगौ। नोंथाडा नोंथानि स्वाद बायदियै बेरेमोदै, लेबु बिदै लागायनो हागोन, बेनि उनाव बेखौ लोंनो हागोन।

रिलिज जानायनि सिगांनो कुलि सावथुना गावनि बाजेटनि खावसे रंखौनो आरजिनो हाबाय



रजिनकान्ति कुलि सावथुना बोसोरनि मच आवेटेड सावथुनफोरनि मादाव मोनसे। सावथुननि रिलिजनि सिगांनो इसारा मोन्दोंदि, बेयो बक्स अफिसआव दोहौ सोमजिगोनो थाखाय साखा-फारा जाबाय। बेनि एडभान्ट बुकिं आबो

जागायबाय। रिपर्टनि बायदिल्ला 375 कौटि रंनि बाजेटआव बानाय जानाय रजिनकान्ति बे सावथुना माहारियारि डिजिटेल मिउजिक, आरो सेटेलाइट बिबानगिरिफोरनि फान्नायजों 250 कौटि रं आरजिबाय। सावथुननि हारिमायारि मोन्थाइ

महँरे 68 कौटि रंआव फान्नाय जादों। बेल' नडा, गुबुन हादतफोराव एडभान्स बुकिंजों लोगोसे कुलि सावथुन मुलुगनां बक्स अफिसआव 30 कौटि रं आरजिबाय। कुलि सावथुना दा इन्टरनेशनल मार्केटआव मोनसे तामिल सावथुननि थाखाय

रक्षा बन्धननि गोथार सानाव सैयारा सावथुना मोनसे फ्लप जानाय सावथुनजों जेन्नादों

सावथुन मुलुगनि थाखाय रक्षा बन्धननि सानआ जोबोद मोजाडैनो सोलिलादों। मानोना फेस्टिभेल आरो उडकेन्ड मोन्नैबो सानसेयावनो गोलैदों। बेनि जाहोनाव सिनेमा हलफोराव सोलिबाय थानाय सावथुननि बक्स अफिस कालेक्सनखौबो गोबां दावखोनाय नुनो मोन्दों। बे बिथिंआव रिलिज जानायनि 23 सानाव रमान्टिक थ्रिलार सैयारा सावथुनाबो गोबां रं आरजिनो हादोंब्लाबो, नाथाय अहान पान्डे आरो अनित पड्डानि 'सैयारा' सावथुना बे सोलिफु बोसोरनि गिदिर फ्लप जानाय सावथुनजों रं आरजिनाय बिथिंआव उन जाना थालादों। बिथोनगिरि महित सुरिनि सैयारा सावथुननि रिलिजआ 3 सप्ताहनिखुइबो बांसिन सम जाबाय। शनिबारखालि रक्षा बन्धननि खाबुआव बे सावथुना रिलिजनि 23 सान आबुं जाबाय। रिपर्टनि बायदिल्ला, 23 सानाव 'सैयारा' सावथुना 3.55 कौटि रंनि बिजनेस खालामदों। बेजों लोगोसेनो दा नख'रारि बक्स अफिसआव सैयारा सावथुननि नेट कालेक्सना 320 कौटि रंसिम सौहैबाय, जाय 45 कौटि



रंनि बाजेटआव बानाय जानाय बे सावथुननि थाखाय मोनसे जारिमिन सोरजिनो हानाय।

फावखुंगुर भिजय राजनि 'उदयपुर फाइल्स' सावथुनआ सिनेमा हलफोराव रिलिज जाबाय

गोबां जेंनानि उनाव बिजय राज स्टारनि उदयपुर फाइल्सआ 8 आगस्टखालि सिनेमा हलफोराव रिलिज जाबाय। बे सावथुनखौ गिबियाव बेन खालामनायनि बाश्त्रा बुंदोंमोन। कन्हैया लालनि बुथार जानायनि सायाव बानायनाय सावथुननि ट्रेलारआ रिलिज जानायनि उननिफ्रायनो जोबोद जेंना सोमजिबाय थादोंमोन। दा सावथुन बानायगिरि अमित जानीनि बुंनाय बायदिल्ला, सावथुननि रिलिजनि उननिफ्राय बिथाडा लान्थियै बुथार जानायनि हुमखि मोनगासिनो दं। एक्सजों बाश्त्रा सावराय लायनायाव बिथाडा



मिबथि होयोदि, गावनाव मोनसे नाम्बारजों गले गले कल फैगासिनो दं आरो सासे सुबुंआ गावखौ बुथारनो हुमखि हरदों। बिथाडा टुइट खालामोदि, + 971566707310 नाम्बारजों लान्थियै बम गावना उरायहोनो, गुलि गावनायनि हुमखि आरो गात्रि गात्रि रायहरगासिनो दं।

बियो गावखौ बिहारनि थागिबि आरो आयेनारि नायबिजिनानै बिखौ ग्रेप्टार खालामनांगौ। थानाय दानाव मिरु सरकारआ उदयपुर फाइल्स बानायगिरिनो दिल्ली आरो उत्तर प्रदेशआव 'वाइ' थाखोनि रैखाथि हान्जा थिसन्दोंमोन। बे रैखाथिखौ गोजोंसिन बिजिरसालिआ

फोर्बोंआव 'सम अफ सरदार 2' आ बक्स अफिसआव 4 कौटि रंनिखुइ बांसिन बिजनेस खालामदों आरो शनिबारनि सावथुननि रं आरजिनायाव हरखाबै दावखोनायखौ नुनानै सानफ्रोमबो गोमो हाबदों। मिबथि होनाय जायोदि, कमेडि सावथुन सन अफ सरदार 2 आ बे बोसोरनि फ्लप सावथुनफोरनि मादाव मोनसे। मानोना 150 कौटि रंनि बाजेटआव बानायनाय बे सावथुना रिलिजनि 9 थि सानावबो 40 कौटि रंसिमबो बारनो हायाखैमोन।

एश्वर्या-सलमाननि सावथुनखौ नायखांनायनि उनाव जया बधनआ सिरियै ऑरवार लांदोंमोन

सन्जय लीला भान्सालिखौ सावथुन नायनो मोजां मोनग्राफोरनि गेजेराव गावनि गोमोथाव सेट, मेथाइ-मिउजिक आरो मोजां मोन्नाय सल'फोरनि थाखाय मिबथि जायो। बिथानि 'हम दिल दे चुकी सनम' सावथुना 1999 आव रिलिज जादों। बे सावथुनाव सलमान खान आरो एश्वर्या रायआ गाहाइ फावआव दंमोन। सावथुनाव अजय देबगानआ मख'जाथाव बिफाव होदोंमोन। बबेखानि सावथुननि मोनसे प्रिभिउ स्क्रिनिनि समाव जया बच्चनआ बेखौ हमदांनो हादोंदि, मुंदांखा फावखुंगुरिनि या सलमान आरो एश्वर्या स्टारनि सावथुनखौ मोजां मोनाखै। मोनसे सुलुडाव बाश्त्रा सावरायलायनायाव सन्जय लीला भान्सालिआ बालिन फिल्म फेस्टिभेलआव गावनि



1999 नि सावथुन 'हम दिल दे चुके सनम' नि बाखायनाय जानायनि सोमोन्दै गुवारै बाश्त्रा सावरायदों। बिथोनगिरिया बेनि क्रेडिटखौ साथाम सुबुंफोरनो होदों। बेनि गेजेराव सासेया जया बच्चनमोन। बबेखानि भान्सालिया गावनि मोनसे गोरोन्थिखौबो गोसो खांदों, जेराव बिथाडा सान्दोंदि, जयाआ सावथुनखौ एसेबो

मोजां मोनाखै। हम दिल दे चुके सनमनि जर'खा स्क्रिनिनि उनाव माखासे नायगिरिफोर फेदों आरो बेखौ बाखायदों। नाथाय जया बच्चनआ जेबो रिएक्सन होयाखै। बिथोनगिरिया मिबथि होयोदि, एश्वर्या राय आरो सलमान खान स्टारनि सावथुनखौ नायनायनि उनाव जया बच्चनआ बिथांखौ नायनानै मिनियो आरो जेबो

बुडा लासै ऑंखारलाडो। बिथांनि सिरियै ऑंखार लांनाया भान्सालिखौ सान्नो थाखाय गोनांथि खालामदों जे बिथाडा सावथुनखौ मोजां मोनाखै, नाथाय सानसेखालि जयाआ बिथांखौ फन खालामना सावथुनखौ मोजां मोन्दों होन्ना फोरमायहरो आरो बे गोरोन्थि सान्नायखौ रोखा खालामो।

ऋतिक रशान आरो जुनियर एनटिआरनि 'वार 2' सावथुनआ बक्स अफिसाव गोबां दोहौ सोमजि होगोन

सिनेमा नायनो मोजां मोनग्राफोरनि थाखाय 14 आगस्टनि सानआ जोबोद जर'खा फोरमान जागोन। बे सानाव बलिउडनि मुंदांखा फावखुंगुर ऋतिक रशाननि मस्ट अवेटेड 'वार 2' सावथुना सिनेमा हलफोराव नुजाथिगोन। जुरियर एनटिआरआबो बेनि गेजेरजों बलिउडआव आगान होगोन। मेकारफोरा बे गिदिर बाजेटनि सावथुननि गेजेरजों बक्स अफिसआव दोहौ सोमजिहोनो थाखाय थियारि खालामबाय। सावथुन बानायगिरिया जेब्लायबो गिदिर बाजेटनि सावथुनफोरखौ बांसिनै स्क्रिनआव दिस्थिनो



नाजायो, जाहाथे बांसिन सुबुंफोरानो सावथुनखौ नायनो खाबु मोनो। 'वार 2' सावथुननि मेकारफोराबो बिब्दिनो खालामनो थाखाय माखासे बिथांखि लादों। सैयारानि जाफुंसारनायनि उनाव बेखौ नायनांगौआ मुजिथावना जागोनदि, ऋतिक आरो जुनियर एनटिआरनि ज'राया बक्स अफिसआव माबायदियै दिस्थिफुंनो हायो। सिनेमा नायनो मोजां मोनग्राफोरनि गेजेराव आथिखालाव 'वार 2' सावथुना गोबां खौरांआव थानो हमदों। जुदि बे

सावथुनखौ नोंथांमोनहा नायनो थाखाय उसु-खुथु जादोंब्ला, मोनसे मोजां खौरांआ बेनोदि, बेखौ नोंथांमोनहा सिनेमा हलफोराव नायनो हागोन। बबेखानि मेकारफोरा सावथुनखौ गिदिर स्क्रिनाव रिलिज खालामनायनि बिथांखि लादों। टाइम्स अफ इन्डियानि रिपर्टनि बायदिल्ला, आयान मुखार्जीनि दिहुन्नाय 'वार 2' खौ हिन्दी रावआव 5000 स्क्रिनआव रिलिज खालामनाय जागोन। 11 आगस्टनिफ्राय बे सावथुननि एडभान्स बुकिं आ जागायसिगोन।

बर्फि सावथुनआ रिलिजनि 13 बोसो आबुं जानायाव प्रियंका चप्राआ मारवासे लेटेस्ट परस्ट शेयार खालामदों




बिथोनगिरि अनुराग बासुनि बर्फि सावथुनखौ हिन्दी सिनेमानि साबसिन सावथुनफोरनि गेजेराव मोनसे होन्ना गनायनाय जायो। बे सावथुनआव प्रियंका चप्रा, इलियाना डिक्रुज आरो रणबिर कापुर बायदि महरगिरिफोरा गाहाइ बिफाव होदोंमोन। जर'खायै प्रियंकानि अटिज्म स्पेक्ट्रम गोनां हिन्जाव झिलमिलनि फावआ बयनिखुइबो बांसिनै मुंदांखा जादोंमोन। बावैसो सिगां बर्फिआ गावनि रिलिजनि 13 बोसोरनि दावबायनायखौ आबुं खालामदों। बे जर'खा खाबुआव ग्लबेल स्टार प्रियंका चप्राणि फार्सेनिफ्राय माखासे सशेल मिडिया परस्टफोरा सशेल मिडियाआव सोराडव फेदों। जायनि गेजेराव माखासेआ गावनि बिफा आकाश चप्राजों लोब्बा गोनां। बर्फि सावथुननि रिलिजनि 13 बोसोर आबुं



जानायाव शनिबारखालि प्रियंका चप्राआ गावनि अफिसियेल इनस्टाग्राम हेन्डेलआव लेटेस्ट परस्टखौ शेयार खालामदों। बिथाडा सावथुननि मेकिं आरो गावनि केरेक्टरनि थाखाय माबादि थियारि खालामदोंमोन बेफोर गासिखौबो फोरमायदों। अदेबानि इनस्टा स्ट'रियाव गावनि बिमा-बिफाजों लोगोसे लानाय सावगारिफोरखौ शेयार खालामनानै फावखुंग्रिया लिरोंदि,

जोबथा खेब आंनि बिफाया मोनसे सावथुननि सेटआव फेदोंमोन। बेनि अनगायै गुबुन मोनसे स्ट'रिआव बिथाडा बै सावगारिखौ दोन्दोंमोन, जेब्ला बर्फिनि थाखाय प्रियंकाआ बान्था मोन्दोंमोन आरो बेखौ आजावनो थाखाय फावखुंग्रिनि बिफाया जौसाडव थांदोंमोन। बे सावगारिनि केप्सनआव प्रियंका चप्राआ लिरोंदि, आंनि देरहानायनो बिथांनि

देरहानायमोन। बेनि दान मोनथाम उनाव बिथाडा अरायनि थाखाय बुहुमखौ नागारलाडो। बेनि अनगायै प्रियंकाआ बे बाश्त्राखौबो फोरमायोदि, बिथाडा 5 सानसिम लान्थियै गावनि बिफाव झिलमिलनि थाखाय अटिज्म स्पेक्ट्रमजों भुगिनाय गथ'फोरजों जर'खा ट्रेनिं लादोंमोन। बबेखानि बिथाडा सावथुननि बिथोनगिरि अनुराग बासुखौबो जोबोर बाखायदों।



गोदान दिल्ली, 10 आगस्ट: खुंजानो गोनां इन्डियन सुपार लीग सिजननि इयुनखौ लानानै माखासे सावरयजानाय थासरिनि समावनो अल इन्डिया फुटबल फेडारेसनआ रेफारिफोरनि रादाइखौ लानानै रोखा बाश्वा फोरमायदों । फेडारेसननि बादिल्वा, रेफारिफोर गावसोरनि

ALL INDIA FOOTBALL FEDERATION

गोदान दिल्ली, 10 आगस्ट: खुंजानो गोनां इन्डियन सुपार लीग सिजननि इयुनखौ लानानै माखासे सावरयजानाय थासरिनि समावनो अल इन्डिया फुटबल फेडारेसनआ रेफारिफोरनि रादाइखौ लानानै रोखा बाश्वा फोरमायदों । फेडारेसननि बादिल्वा, रेफारिफोर गावसोरनि

गोदान दिल्ली, 10 आगस्ट: खुंजानो गोनां इन्डियन सुपार लीग सिजननि इयुनखौ लानानै माखासे सावरयजानाय थासरिनि समावनो अल इन्डिया फुटबल फेडारेसनआ रेफारिफोरनि रादाइखौ लानानै रोखा बाश्वा फोरमायदों । फेडारेसननि बादिल्वा, रेफारिफोर गावसोरनि

गोदान दिल्ली, 10 आगस्ट: खुंजानो गोनां इन्डियन सुपार लीग सिजननि इयुनखौ लानानै माखासे सावरयजानाय थासरिनि समावनो अल इन्डिया फुटबल फेडारेसनआ रेफारिफोरनि रादाइखौ लानानै रोखा बाश्वा फोरमायदों । फेडारेसननि बादिल्वा, रेफारिफोर गावसोरनि

गोदान दिल्ली, 10 आगस्ट: खुंजानो गोनां इन्डियन सुपार लीग सिजननि इयुनखौ लानानै माखासे सावरयजानाय थासरिनि समावनो अल इन्डिया फुटबल फेडारेसनआ रेफारिफोरनि रादाइखौ लानानै रोखा बाश्वा फोरमायदों । फेडारेसननि बादिल्वा, रेफारिफोर गावसोरनि

